

玉海



040

1000:86

34894

通鑑地理通釋卷第五

浚儀王應麟伯厚甫

十道山川攷

禹貢定高山大川以別九州之境職方爾雅取法焉
山川萬古不易州縣隨時變化後之志地理者附山
川于注失其綱領唯唐六典敘十道得禹貢遺意今
釋其地以備叅攷山川能說九能之一或庶幾焉

關內

東距河

班固西都賦帶以洪河注書曰導河自積石南至

于華陰

西極隴坂

隴坂卽隴坻今之隴山應劭曰隴西郡有隴坻在

其西

見後

杜篤論都賦置列汧隴靡偃西戎西京

賦右有隴坻之隘

注應劭曰天水有大阪曰隴坻

南據終南之山

西都賦表以太華終南之山地理志武功縣太一

山古文以爲終南張衡西京賦終南太一隆嵒崔

萃

注五經要義太一一一名終南山在扶風武功縣此云終南太一不得爲一山明矣蓋終南山南山

之總名太一郡縣志終南山在京兆府萬年縣南

一山之別號

五十里按經傳所說一名十八一亦名中南

據西賦云西

征賦云九變巖薛太一嶺從而終南而背雲陽
跨平原而連嶠冢然則終南太一非一山也

傳中南九州之險也柳宗元謂據天之中在都之
南西至于褒斜又西至于隴首以臨于戎東至于
商顏又東至于太華以距于關其物產之厚器用
之出則璆琳琅玕夏書載焉紀堂條梅秦風詠焉

終南山又在鳳翔
守郿縣南三十里

北邊沙漠

唐世突厥薄渭橋吐蕃入奉天邇戎狄故也

名山 太白

嘉靖癸丑年

在鳳翔府郿縣東南五十里漢賦功柳宗元碑云

其地寒冰雪之積未嘗已水經注地理志武功縣

有太一山古文以為終南杜預以為中南亦曰太

白山在武功縣南去長安二百里俗云武功太白

去天三百杜彥達曰太白山南連武功山於諸山

最為秀桀冬夏積雪望之皓然韓愈南山詩西游

巖入太白山

九嶷

在京兆府醴泉縣漢左馮翊谷口縣也嶺山在醴西

谷口故城在醴泉東北四十里西都賦冠以九嶷

陪以甘泉西京賦九巖甘泉潤陰沍寒水經注涇水東經九巖山東中山西謂之谷口

吳山

職方雍州山鎮嶽山在隴州吳山縣西南五十里

謂之吳嶽唐爲西鎮

禹貢導嶻漢志以爲扶風沂縣吳山按隴州沂源縣有嶻

山沂水所出非吳山也

岐山

在鳳翔府岐山縣東北十里亦名天柱山漢右扶風美陽縣西北周太王所邑文王始亦治焉西京賦注說文曰岐山在長安西美陽縣界山有兩岐

故因以名焉周之興也鸞鷲鳴於岐山成王有岐陽之蒐石鼓文在天興縣南二十里石形如鼓其數有十韋應物詩謂宣王大獵岐陽韓愈歌亦云蒐岐陽其文可見者四百六十五

呂氏春秋九山之河圖曰

岐山在崑崙東南南為地乳岐陽鎮詩所謂居岐之陽也

梁山

在京兆府奉天縣北五里

漢志古扶風好時縣有梁山九域志奉天縣

鳳翔府好時縣有梁山

古公踰梁山秦立梁山宮又同州韓

城縣南十九里亦有梁山漢左馮翊夏陽縣西北

詩韓奕所謂奕奕梁山也爾雅以爲晉望

薛氏禹貢解曰

梁山在同州韓城縣而乾州好時縣亦有梁山在邠岐間非禹貢之梁山也

泰華

在華州華陰縣南八里山海經華首之山西六十

里曰太華之山削成而四方其高五千仞其廣十

里

太華西八十里小華之山西京賦綴以二華少華山在華州鄭縣東南十里

唐玄宗

銘曰雄峰峻削菡萏森爽是曰靈嶽衆山之長偉

哉此鎮崢嶸中土高標赫日半壁飛雨華嶽題名

五百十一人再題三十一人自開元訖清泰

獨孤及仙

掌銘巨靈轟負高掌遠矚以流河曲厥跡猶存巨靈河神也遁甲開山圖曰巨靈能造山川出江河

大川 涇

出原州百泉縣開頭山東南至京兆府高陵縣入

渭職方雍州川論都賦帶以涇渭號曰陸海山海經出

長城北山

渭

出渭州渭源縣今熙州渭源堡鳥鼠山東至華州華陰縣

入河山海經鳥鼠同穴之山渭水出焉東流注于

河水經出南谷山在鳥鼠山西北職方雍州浸郡

縣志在京兆萬年縣北五十里論都賦鴻渭之流

徑入于河大船萬石轉漕相過嶺岳西征賦北有

清渭濁涇

黃氏曰渭水出熙州狄道縣鳥鼠同穴山東南至華州華陰縣入河

灞

出藍田谷北入渭在京兆府萬年縣東二十一里

西征賦南有玄灞素澹

通典荆溪下流也故滋水秦穆公更名以顯霸功

郡縣志即秦嶺之下流東南自商州上洛縣界流入又西北流合澹水入渭白鹿原在萬年縣東二十里亦謂之霸上

澹

亦出藍田谷北至萬年縣入渭水經比入于灞

注云

北歷藍田川北流注于霸水

上林賦終始霸產唐望春宮臨澹

水

韋堅治漢隋運渠絕灞澹並渭而東至米豐倉與渭合

長樂坡

在萬年縣東北十一

萬曆丁亥年

卷之三

五

監生吳時遷列

里即澧川之西岸本澧陂隋文帝史各

遼夷控北蕃突厥

吐蕃本西羌屬散處河湟江岷間或曰南涼禿髮
利鹿孤之後突厥古匈奴北部居金山之陽其地
三垂薄海南抵大漠

河南

東盡于海

古青徐之域

西距函谷

古函谷關在陝州靈寶縣函谷故城在縣南十里

來自嶠山西至潼津通名函谷號曰天險所謂秦得百二也

南瀕于淮

古徐州之域

北薄于河

古豫兗之域洛陝負河而北虢汝許鄭負河而南

名山 三嶠

又名嶽峯山在河南府未寧縣北二十八里自東

嶠至西嶠三十五里

呂氏春秋九塞之一

輿地廣記二嶠山

連入硤石界其南陵夏后臯之墓其北陵文王之

通雅卷五
二空
所避風雨春秋晉敗秦師于殽陝州石壕鎮本殽

縣後魏置唐改硤石

誦訓掌道方志以詔觀事若魯有大庭氏之庫殽之二陵

少室

在河南府登封縣西十里漢潁川宥高縣也在告成縣西北五十里漢陽城縣述征記漢武築登仙臺

砥柱

俗名三門山在陝州硤石縣東北五十里黃河中

山有三門河所經唐太宗勒銘

硤石省人陝縣

山在河中

形若柱

經注謂禹所鑿

禹貢導河積石至于龍門又東至于砥柱

李齊物鑿砥柱爲門以通漕 裴耀卿鑿漕渠以
避三門之險 隋開皇十五年鑿砥柱 宋乾德
元年鑿
砥柱

蒙山

在沂州費縣西北八十里

楚老萊子所耕處

禹貢蒙羽其

藝詩奄有龜蒙漢泰山郡蒙陰縣西南

東蒙山在費縣西北

七十五里 顧史爲東蒙主近於費

嶧山

一名鄒山在兗州鄒縣南二十二里郡縣志秦始

皇觀禮于魯刻石于嶧山禹貢嶧陽孤桐詩奄有

鳧繹

太史公鄉射鄒嶧山中鎮鄒山後自嶧山奔下邳

晉郗鑒避難

原书缺页

大川 伊

出商州上洛縣熊耳山東北至河南府洛陽縣南

北入于洛

郡縣志伊水在河南縣東南十八里

秦三川郡謂河洛伊

山海經蔓渠之山伊水注焉東流注于洛

合

職方豫州川出商州洛南縣冢領山至河南府鞏

縣入河

郡縣志在洛陽縣西南三里西自苑內上陽之南瀾漫東流

繫辭曰洛

書禹貢豫州伊洛入于河

伊水入洛洛水入河

山海經謹

舉之山雒水出焉東北流注于玄扈之水

河圖曰玄扈洛

冢嶺山在洛南縣西七十里洛水所出

汝

出汝州梁縣天息山逕蔡潁州入淮爾雅汝爲瀆

潁

出河南府陽城縣陽乾山東至壽春府下蔡入淮

皆古豫州地職方以爲荊州浸未詳山海經出少室黃氏曰出河南

南流至潁州潁上縣入淮

沂

出沂州沂水縣艾山南至下邳西南入泗禹貢徐州淮沂其乂職方青州浸曾氏曰徐州水以沂名者非一酈道元謂水出尼丘山西北徑魯之雲門

亦謂之沂水水出泰山武陽之冠石山亦謂之沂水禹貢廣記曰沂水經下邳縣分爲一水一水於城北西南入泗一水經城東阜曲從縣南亦注泗謂之小沂水

泗

職方青州川出襲慶府泗水縣桃墟西北陪尾山源有泉四四泉俱導因以爲名西南過彭城又東南過下邳入淮禹貢泗濱孔子宅在曲阜縣

今仙源縣

故魯城中歸德門內闕里之中背洙泗矍相圃之東北太史公北涉汶泗講業齊魯之都觀夫子遺

風

淮

職方青州川出唐州桐柏縣桐柏大復山東南

盱眙軍招信縣入海水經云出南陽平氏縣胎簪

山禹自桐柏導之耳桐柏縣漢十氏縣東界

濟

職方兖州川高以古文出絳州垣曲縣王屋山

東南始發源曰沅水既見而伏東出於孟州濟源

縣二源東源周迴七百步西源周迴六百八十五

步合流至溫縣是為濟水西南入于河山海經出

共山南射丘鄆道元謂當王莽世川瀆枯竭但
入河而巳不復截流而南古說通典禹貢濟地中
水益爲滎今不復入滎

遠夷控海東新羅日本

新羅魏時新盧國本辰韓種辰韓始有六國稍分
爲十二新羅其一也國在百濟東南東濱大海兼
有沃沮不耐韓濊之地倭自後漢通焉在帶方
東南大海中依山島居一名日本自云國在日邊
故以爲稱

河東

東距常山

左傳晉表裏山河常山見後

西據河

河至慈州文城縣孟門山是爲入龍門至絳州汾州合河之上是爲出龍門口柳子晉問晉之故封黃河迤之

南抵首陽太行

雷首山在河中府河東縣本蒲坂舜都也夷齊居其陽所謂首陽山也山南曰陽石曼卿詩謂耻生湯武千戈日寧死唐虞揖遜區詩唐風采芩首陽

太行山在懷州河內縣西北

亘十州之界

連亘河北諸

州

始於懷而達於幽

爲天下之脊一名皇母一名女媧其

上有女媧祠

寰宇記在河內縣北二十五里郡縣志太行陞在縣西北三十里

崔

伯易感山賦曰上正樞星下開冀方逢胃而畢自

柳以張亂則冀安弱則冀強起爲名丘妥爲平岡

歸乎甚尊其名太行墨翟察而知驥之貴尸佼過

而辨牛之難穆王升由雀道而出世宗行自大河

而還孝明嘗登幸上黨郡章帝以游至天井關孟

德北上紀摧輪之恐謝公西顧引憂生之端阮籍

失路而詠懷劉峻懷交而發嘆歸晉陽子惠之便

道對二坂祖濬之詳觀決羊腸之險漚此山之道
攻滎陽伐韓以威天下應侯爲秦昭王之謀也據
敖倉之粟杜此山之阨距飛狐之口守白馬之津
使天下知所歸者酈食其爲漢高祖之謀也踰此
山入射大破青犢之衆叔謝躬於鄴以收復天下
爲心者漢光武之謀也濟河降射大之衆還軍敖
倉屬魏种以河北事然後西向以爭天下者魏武
帝之謀也進據武牢扼其襟要併竇建德不能踰
山入上黨收河東之地而卒以并天下者唐太宗
之謀也 禹貢太行恒山至于碣石注曰二山連

更東北接碣石述征記曰太行山首始於河內自
河內北至幽川凡有八陁

軍都陁在幽州昌平縣北十里太行八陁蓋盡

此於

北邊匈奴

漢匈奴傳詩薄伐獫狁至于太原晉文公攘戎翟
悼公和戎翟戰國趙邊於匈奴

名山 雷首

在河中府河東縣南十五里禹貢壺口雷首至于
太岳一名中條山唐司空圖居山之王官谷

唐志河中

府未樂縣

壺口山在慈州吉鄉縣郡縣志平山

一名壺口山今名姑射山在晉州臨汾縣西八里

介山

在河中府萬泉縣漢河東汾陰縣南山

武帝用事介山其山特立

周七十里高三十里在縣西南二十里

唐志又汾州介休縣亦有介山

霍山

職方冀州山鎮謂之霍大山在晉州霍邑縣東北三十里漢東河氐縣禹貢大岳岳陽

崞山

音郭

在代州崞縣

本作崞誤

後漢書注崞縣有崞山地理志

名山無崞山有五臺山在代州五臺縣東北百四

十里道經以爲紫府山內經以爲清涼山

漢慮虎縣隋改

九域志寧縣有寧山

大川 汾水

職方冀州浸出憲州靜樂縣漢汾陽縣地北管涔山南

流至河中府寶鼎縣北入河寶鼎漢汾陰縣說文出太原

晉陽山西南入河詩彼汾沮洳國語宰孔曰晉景

霍以爲城汾河涑澮以爲淵山海經管涔之山汾水出焉又云汾水出

上流北

晉水

在太原府陽曲縣晉陽省入陽曲出縣西懸壺山東入汾

山海經縣雍之山晉水出焉東南流注于汾水雍音

通雅卷五
三百五十一
甕詩譜晉陽南有晉水唐叔子燮改爲晉侯唐北
都城左汾右晉

丹水

澤州高平縣有洺水一曰丹水漢上黨高都縣莞
谷丹水所出東南入洺水高都澤州晉城
縣隋曰丹川

沁水

出沁州沁源縣

漢叢遠縣後魏
改今屬威勝軍

羊頭山世靡谷

至懷州武陟縣入河澤州有沁水縣山海經謁戾

之山

在上黨
涅縣

沁水出焉南流注于河

注云至滎陽
東北入河

又云出井陘山東東南注河入懷東南

懷縣令
武陟

河北

東並于海

滄洲安東並海

東近于河

爾雅兩河間曰冀州職方河內曰冀州通典河在
無棣縣界

西距太行常山

見前 地理志媯州懷戎縣東南五十里有居庸
塞東連盧龍碣石西屬太行常山實天下之險有

鐵門關

居庸呂氏春
秋九塞之一

北通渝關

渝關在幽州北七百里營州城西四百八十里又
平州石城縣有臨渝關在州西一百八十里因渝
水爲名

名山 林慮音廬

在相州林慮縣西二十里

本隆慮漢屬河內郡
殤帝改爲林

夏馥

入山中匿姓名爲冶家傭崔伯易感山賦隆慮雷

首橋賴二子師事仙人盧子
基於隆慮山棲霞谷

白鹿

在衛州共城縣西五十四里

隋章仇大翼隱於白

鹿山徙居林慮山茱萸澗

封龍

一名飛龍山在真定府獲鹿縣南四十五里

漢石邑縣

郡縣志飛龍山在趙州元氏縣西北三十里

趙武靈王

取封龍隋志石邑縣有封龍山唐志趙州元氏縣有封龍山晉王浚使邢弘東討石勒戰於飛龍山

井陘

陘山在真定府井陘縣東南八十里四面高平中

下似井故名之韓信擊趙欲下井陘隋唐置井州

呂氏春秋九塞之一

井陘口今名土門口在獲鹿縣西南十

里有井陘關一名土門卽太行八陘之第五陘也

碣石

在平州石城縣西南漢右北平郡驪城縣

通典在平州盧

龍縣南二十餘里郡縣志盧龍縣南二十三里

碣然而立在海旁水經注

驪城枕海有石如甬道數十里當山頂有大石如

柱形其山昔在河口海濱歷世既久爲水所漸淪

入于海去岸五百餘里

秦築長城起所自碣石在今高麗界與北碣石異

禹貢夾右碣石入于河山海經碣石之山繩水出

焉注水經曰今在遼西臨渝縣南水中秦皇刻碣

石門登之以望巨海

漢武帝東巡海上至碣石

通典碣石山在

漢樂浪郡遂城縣長城起於此山長城東截遼水

而入高麗遺趾猶存

右碣石即河川海處在平州高麗中爲左碣石

常嶽

在定州曲陽縣西北郡縣志在縣北一百四十里常水所出職方并州山鎮曰恒山是爲北嶽

大川 漳

職方冀州川 濁漳水出潞州長子縣發鳩山東至相州鄴縣入清漳又清漳出太原府樂平縣山東北流至德州長河縣瀛州平舒縣入于河周定王五年河徙而東故漳水不入河而自達于海

淇

出相州臨慮縣西大號山南逕朝歌縣北山海經
沮洳之山濳水出焉南流注于河郡縣志出衛州
共城縣西北沮洳山至衛縣古朝歌入河謂之淇水
口詩邶曰亦流于淇鄘曰送我淇上衛曰瞻彼淇
輿

呼洳

職方并州川虜池山海經出大戲之山在代州繁

峙縣

山在縣東南九十里

東南流經五臺山東流至文安縣

入海

河承矩繁隈儲水爲阻固並邊諸河
若濟沁胡蘆永濟等河皆匯于滄

遠夷控契丹奚靺鞨室韋

契丹與庫莫奚異種同類當遼西正北二百里隨水草畜牧唐貞觀中內屬以爲松漠都督府庫莫奚鮮卑宇文別種後強盛有阿會氏諸部皆歸之至隋代號曰奚靺鞨隋文帝初來獻謂卽勿吉也古肅慎國地西北與契丹接室韋後魏末通焉在靺鞨之北有五部南室韋在契丹北三千里北室韋分九部唐所聞有九部焉

山南

東接荆楚

詩有蠻荆荆楚春秋莊公之世書荆僖公元年始

書楚

西抵隴蜀

秦隴巴蜀

南控大江

詩江漢之域卽荆襄之州

北據商華之山

商山在商州上洛縣南十四里商洛縣南一里亦名地肺山亦名楚山四皓所隱王莽傳謂繞雷之固南當荆楚言四面塞阨屈曲水回繞而雷卽七盤十二繞華山見前

名山 嶓冢

在興元府金牛縣

今大安軍三泉縣

東二十里漢水所出

禹貢岷嶓既藝嶓冢導漾東流爲漢

一在秦州清水縣郡縣志

在秦州上邽縣西南五十八里漢水所出薛氏曰隴東之山皆嶓冢也

山海經大時

之山又西三百二十里曰嶓冢之山漢水出焉而

東南流注于沔注嶓冢在武都氏道縣南

熊耳

在商州上洛縣南四十里其山兩峰狀若熊耳禹

貢導洛自熊耳其山在虢州盧氏縣界

齊桓公登熊耳山以

望江漢山海經浮濠之水出焉西流于洛

巫峽

在夔州巫山縣西楚置巫郡荆州記信陵縣西二

十里有巫峽

建平郡信陵縣今歸州巴東縣通輿置建平郡於巫山縣

銅梁

在合州石照縣

唐石鏡縣

南五里左思蜀都賦外負銅

梁

山之北址即巴子故城

二十里曰 梁

荆山

在襄陽府南漳縣禹貢南條荆山

山海經荆山漳水出焉而東南

流注于睢睢與沮同禹貢荆及衡陽惟荆州即此山下和得玉之處

峴山

在襄陽府襄陽縣東西九里歐陽文忠公記曰峴山臨漢上望之隱然蓋諸山之小者而其名特著於荊州蓋羊祜以其仁杜預以其功

大川 巴水

巴江在達州永睦縣

巴江渠江合於通川縣東南

漢水

職方荊州川禹貢漾漢爲東漢水出大安軍三泉縣西蟠冢山至漢陽軍漢陽縣入江漢水一名沔水酈道元謂東西兩川俱出蟠冢而同爲漢水

詩漢

之廣矣楚漢水以爲池

沔水源出武都東狼谷中卽漢水

之上源山海經擘冢之山漢水出焉東南流注于沔

沮水

在荆門軍當陽縣

漢臨沮故城在縣北

郡縣志出房州未清

縣

省入房陵

西南景山東南入于漢江一云出房州房

陵縣東山東南過江陵府枝江縣入于江王燦登

樓賦倚曲沮

千余切

之長洲顏師古曰左傳江漢沮

漳楚之望也山海經景山睢水出焉東南流注于

江

景山在南郡房陵西南一百里

涪水

出虢州盧氏縣南至鄧州順陽縣入于沔山海經
攻離之山清水出焉南流注于漢在清陽縣南
陽郡清陽縣在清水之陽故城在鄧州南陽縣南
晉杜預修召信臣遺跡激用清水浸原田萬頃餘
郡縣志東去鄧州南陽縣三里西去新野縣二百
步九域志金州洵陽縣有清水

隴右

東接秦州

漢隴西秦亭秦谷今秦州地

西逾流沙

流沙在沙州西八十里其沙隨風流行禹貢導弱

水餘波入于流沙

漢志張掖郡居延縣居延澤在東北古文以爲流沙在唐甘州

張掖縣東北百六十里沈括云嘗過無定河活沙履之百步皆動如行幕上或陷則人馬車駝以百千數無孑遺者或謂此卽流沙也

南連蜀及吐蕃

蜀始見于牧誓秦惠王伐蜀有其地 吐蕃見前

北界朔漠

唐置北庭安西都護府抵大漠

名山 秦嶺

在秦州上邽縣

省入成紀

九域志隴州隴安縣有秦嶺

山西都賦晞秦嶺晁氏以爲隴山秦嶺皆古之岍

隴坻
通典秦嶺在京兆藍田縣界又高州上洛縣西十八里有秦嶺山嶺北爲秦山南爲漢山周六百二十里

在秦州隴城縣東一百里西京賦右有隴坻之

隘切禮漢武帝幸雍遂踰隴通典隴州汧源縣隴

山在縣西六十二里一曰隴坻秦州隴城縣有大隴亦曰隴首山清

水縣小隴山一名隴坻又名分水嶺

西傾

在洮州臨潭縣漢臨洮縣西南後名西強山在吐谷渾

界水經西傾之南桓水出焉禹貢西傾因桓是來

吐谷渾阿豺升西強山觀墊江源輿地記西傾之北洮水所出北流入河

朱圉

在西和州大潭縣俗呼爲白巖山郡縣志在秦州
伏羌縣西南六十里

積石

在鄯州龍支縣西九十八里黃河在縣西南六十

里禹貢導河始此漢段熲追羌出塞至積石積石河自

始西南流山海經積石山其下廓州積石軍在州

有石門河水冒之以西南流西南西臨大澗北枕黃河河州枹罕縣積石山一

名唐述山在縣西北七十里今人目龍支縣山爲大積石山此名小積石山

合黎

十道崩攷

在甘州張掖縣西北二百里亦名羌谷俗名要塗

山

水經在酒泉會水縣東北

禹貢導弱水至于合黎

通典合黎水弱水並在張掖縣

崆峒

在岷州溢樂縣西二十里

唐地理志今西和州

史記黃帝

西至空桐韋昭曰在隴右正義笄頭山一名崆峒

在原州平高縣五百里括地志在肅州福祿縣東

南六十里

二處皆云黃帝登之未詳孰是

漢武帝至隴西登空桐

三危

在沙州燉煌縣南三十里山有三峯故曰三危舜

竄三苗禹貢三危既宅導黑水至于三危鄭玄引

河圖及地說云在鳥鼠西南

山海經廣
真百里

鳥鼠同穴

在渭州渭源縣西七十六里

今熙州
渭源堡

七十六里俗

呼爲青雀山其同穴鳥如家雀色小青鼠如家鼠

色小黃渭水出焉禹貢導渭自鳥鼠同穴

同穴山
名鳥鼠

山者同穴之枝山也孔氏曰鳥鼠共
爲雌雄同穴而處其說怪誕不經

河圖曰鳥鼠

同穴地之幹也上爲掩畢星山海經津鳥名曰鷦

鼠名曰鼪鼪如人家鼠而短尾鷦似燕而黃色穿

地入數尺鼠在內鳥在外而共處

大崩洮水

出西羌中北至河州抱罕縣入河

弱水

出吐谷溫界乘石山自甘肅城
與張掖縣河合其水力不勝芥然可以皮
鑑魏太武擊柔然至粟水西行至菟
水西行至涿邪山則弱水在菟園水之西涿邪山
之東禹貢弱水既西水皆東流

羌水

出塞外

水經出羌中參合

南至陰平

水

河瀆

西曆十六年

西曆十六年

西曆十六年

西曆十六年

河源在西徼之外禹迹所及止於嶺南漢志河水

行塞外東北入塞內至章武入海武縣漢屬渤海今入滄州清

池六典凡天下水泉三鏡三千五百五十有

九其在遐荒絕域者不可得而知江河自西極達

東流中國之大川也百三十有五水是為中川千

二百五十二水斯為小川桑欽水經所引天下之水

鄴善長注引枝流一千二百五十二曾氏曰河自

西出而南又東折然後北注於海隄防之起自戰

休屠澤

在涼州姑臧縣東北屠有閭切漢志云禹貢猪野澤史記

遠夷控西域胡戎

西域隋大業中來朝者四十餘國唐貞觀四年伊
吾來降列其地爲西伊州武后時王孝傑復四鎮
自是諸國朝貢侔於前代 胡戎党項羊同悉立
泥婆羅之屬

淮南

東臨海

禹貢揚州東距海

西抵漢

沔安二州抵漢水

沔今漢陽軍
安今德安府

南據江

漢志江東至江都入海

薛氏曰大江過湖口東行至通州海門縣入海

北距淮

禹貢揚州北據淮跨淮而過

名山 八公

一名淝陵山在壽州壽春縣北四里淝水之北淮

水之南

今安豐軍

苻堅望見八公山上草木皆以爲晉

兵

宋景文公覽郡圖得八公山故老言山上有車轍馬跡是淮南王上賓之遺耕者往往得金云

丹

沙所化可以療病因作訖仙賦
上有淮南王安廟圖安及八士像

瀟

在安慶府懷寧縣西北二十里通典一名天柱山
瀟音潛漢武帝嘗登

大別

在壽州霍山縣今安豐軍
六安縣史記索隱云在安豐縣

薛氏曰大別山在漢陽軍亦曰甌山左傳楚拒吳

濟漢而陳自小別至于大別小別山在漢川
縣東南五十里禹貢

導嶓冢至于荆山內方至于大別近漢之山今漢
陽軍漢陽縣東

北一百步其山前枕蜀江北
帶漢水魯山一名大別

霍山

在霍山縣南五里開寶元年省爲鎮入六安漢書

注南嶽霍山在瀟縣屬廬江一名天柱山武帝
所登爾

雅南嶽

羅山

在申州羅山縣

今信陽軍

西南九里有石城山甚高峻

在鍾山縣西南二十一里冥阨蓋謂此山

呂氏春秋九塞

塗山

在壽春縣東北濠州鍾離縣西九十五里禹會諸

侯周穆亦會柳宗元有銘

下有縣廟山前有禹會村

大川 滁水

在滁州全椒縣南六十里原出廬州梁縣至瓜步

入大江

肥水

自安豐縣流入經壽春縣北又西入淮晉謝石謝
玄大破秦兵于肥水齊垣崇祖於壽陽城西北堰

肥水

巢湖

在廬州合肥縣東南六十四里亦名焦湖

江南

東臨海

謂蘇杭台温明等州具舟師自海入齊

西抵蜀

謂施黔等州

南極嶺

五嶺在虔郴永道州

北帶江

謂洪江鄂等州

名山 茅山

在建康府句容縣東南六十里鎮江府金壇縣西南三十五里唐置茅州一名句曲山言山形如句字之曲三茅得道之所

蔣山

天在建康府上元縣西北十八里唐置蔣州

蔣子文立廟鍾

山封爲蔣侯因改爲蔣山江表上已常遊於此爲衆山之傑

天目

在臨安府於潛縣北六十里有兩峰峰頂各一池

左右相對名曰天目

郭璞云天目山前兩乳長龍飛鳳舞到錢唐

會稽

職方揚州山鎮在紹興府會稽縣東北二十里有禹穴禹於此會諸侯之計因名秦始皇上會稽祭大禹立石頌德大史公上會稽探禹穴越絕書勾

踐小城山陰是也

呂氏春秋九山之一水經注會稽山東有穴深不見底謂之

禹井

四明

唐志在越州餘姚縣西一百五十里明州以境有四明山爲名在州西八十里山海經句餘之山注今在餘姚南句章北二縣因爲名謝靈運山居賦注天台四明相接連四明方石四面自然闕窓

志鄞有四明山慈溪有句餘山

天台

在台州天台縣北十里亦曰桐栢山高萬八千丈

周旋八百里其山八重四面如一赤城山在縣北
六里天台之南門也名山畧記曰葛仙公山也孫
綽有賦唐司馬子微廬天台
隋徐則入天台山

括蒼

在處州麗水縣本括州隋置括蒼縣唐改輿地廣
記台州

臨海縣有括蒼山
寰宇記今蒼嶺

縉雲

在處州縉雲縣一名仙都本三蒼縣地
舊傳黃

起高二百丈峯數十或如羊角或
如蓮花 隋徐則杖策入縉雲山

金華

萬曆十六年

臨生李高刊

在婺州金華縣北二十里赤松子得道處神仙傳

皇初平至金華居石室中

金華洞在縣北三十里

大庾

在南安軍大庾縣西南二十里一名塞上嶺卽五

嶺之一

五嶺之最東者亦曰東嶠

漢時呂嘉反漢軍伐之監軍

姓庾城於此故謂之大庾嶺唐志在虔州南康縣

今南高駢繇大庾擊賊廣州

武夷

在建寧府崇安縣南三十里漢郊祀志有武夷君

通典在建安縣唐志在建陽縣時未有崇安縣

朱文公武夷圖序峯巒巖

壑秀拔奇偉清溪九曲流出其間

文公築棚舍于五曲大隱屏之下

廬山

在江州潯陽縣

今德化

東三十二里南康軍城北十

五里本名鄣山郡縣志匡俗

字子孝

廬于此山漢武

帝拜爲大明公俗號廬君故名山周環五百餘里
太史公南登廬山觀禹疏九江廬山東白鹿洞唐
李渤之隱居南唐荆書院

衡嶽

職方荊州山鎮在潭州衡山縣西三十里衡州衡
陽縣北七中里有五峯曰紫蓋天柱芙蓉石廩祝

融湘中記曰衡山有玉牒焉按其文以治水遙望
衡山如陣雲郭璞曰山別名峒嶠韓文公詩峒嶠
山尖神禹碑南嶽記曰朱陵之靈臺宿當翼軫度
應機衡故爲名禹導水通瀆刻石書名山之高南
嶽文云高四千一十丈

峒嶠者衡山南麓別峯之名通典衡山在衡州湘潭

縣衡嶽廟在衡山縣西三十里

大川 浙江

在臨安府錢塘縣南十二里越州蕭山縣西二十
五里莊子云泖河蓋取其曲折爲名地理志水經
曰漸江

郡縣志江源自歙州界東北流經界石山又東北經州北又東北流入于海江濤每

曰晝夜再上常以月十日二十五日最小月三日
十八日極大小則水漸漲不過數尺大則濤湧高
至數丈每年八月十八日數百里士女
共觀舟人漁子泝濤觸浪謂之弄濤 秦始皇至

錢唐臨浙江吳越春秋越王至浙江之上望見大

越山川重秀天地再清前潮水伍子胥也燕肅海後重水大夫種也

潮圖論曰浙江夾岸有山南曰龕北曰楮二山相對謂之

海門岸狹勢逼涌而為濤高麗圖經云潮汐往來

應期不異為天地之至信古人嘗論之在山海經

以為海鱗出入之度浮屠書以為神龍之變化實

叔蒙海濤志以為水隨月之盈虧盧肇海潮賦以

謂日出于海衝擊而成玉充論衡以為水者地之

血脉隨氣進退率未遑盡元大抵天色水水地而
 地乘水力以自持且與元氣升降互為抑揚而其
 不覺方其氣升而地沉則海水溢上而為朝及其
 氣降而地浮則海水縮而為夕計日十二辰申子
 至巳其氣為陽而陽之氣又自有升降以運乎書
 由午至亥其氣為陰而陰之氣又自有升降以運
 乎夜一晝一夜合陰陽之氣凡再升再降故一運
 之閒潮汐皆再焉然晝夜之氣凡再升再降故一
 乎日月臨於子則陽氣始升月臨於午則陰氣始
 升故也夕潮之期日皆臨子晝潮之期日皆臨午
 馬又日行遲月行速以速應遲每九十九度過半
 而月行及之日月之會謂之合朔故月朔之夜潮
 亦臨子月朔之日月之會謂之合朔故月朔之夜潮
 而書之天體西轉日月東行自朔而往月速漸東
 至於漸遲而潮亦應之以遲於晝故晝潮自朔後
 迭差而入於夜此所以一日午時二日午末三日
 未時四日未末五日申時六日申末七日酉時八
 日酉末也至夜即海下而言之天體東轉日月
 行自朔而往月速漸西至於漸遲而潮亦應

十道山川攷

遲於夜故夜潮白朔後迭復而入於晝此所以一
日子時二日子末三日丑時四日丑末五日寅時
六日寅末七日卯時八日卯末也以時有交
變氣有盛衰而潮之所至亦因之爲大小

湘水

出全州清湘縣陽朔山東入洞庭北至衡州衡陽

縣入江太史公浮沅湘

山海經湘水出舜葬東南阪西環之入洞庭下

贛水

山海經出聶都東山東北注江入彭澤西

注云出南野縣西北

南野今南安軍大庾縣聶都山在縣西南漢地理志贛縣豫章水出西

南北入大江通典虔州贛縣有章水貢水合流故

曰贛

虔州今改爲贛東江發源於汀州新樂山經雩都會于章水西江導源於大庾縣之聶都山與貢水合

沅水

在常德府武陵縣漢臨沅縣地至長沙入洞庭湖
又入龍陽縣界歷凡洲洲長二十里卽李衡種柑
所地理志水經出梓柯且蘭縣今遵義軍播州地山海經
出象郡鐔城西入東注江入下雋西合洞庭中楚
辭沅有芷兮澧有蘭濟沅湘以南征

澧水

在澧州澧陽縣出慈利縣歷山東至辰州沅陵縣
入沅注于洞庭水經云出武陵充縣西至長沙下
雋縣西北入江禹貢又東至于濃楚辭澧浦薛氏

日出澧州石門縣東合石門縣之澧水至安鄉縣入洞庭湖

洞庭

在岳州巴陵縣西南一里五十步

周回二百六十里

青草

湖相連青草在南洞庭在北

巴丘湖又名青草湖在縣南七十九里周

回二百六十五里

洞庭太湖也廣圓五百餘里日月若出

沒於其中中有君山在縣西三十里青草湖中莊子黃帝張咸池之樂於洞庭之野楚辭邇吾道兮

洞庭

資水沅水澧水湘水同注洞庭北會大江名五者戰國策秦與荆戰大破之取洞庭五渚

謂此也薛氏曰洞庭即巴丘也合沅湘諸水至岳州巴陵縣入江

彭蠡

在江州潯陽縣

今德化縣

括地志在縣東南五十里六

典注一名宮亭湖

俗謂之鄱陽湖

在南康軍星子縣南江

州彭澤縣西地理志在豫章郡彭澤縣西郡縣志

在都昌縣

今屬南康軍

西六十里與潯陽縣分湖爲界

禹貢揚州彭蠡既豬

卽江漢所匯之澤合江西江東諸水跨豫章饒州南康軍

三州之地

吳起曰三苗左洞庭右彭蠡

宋武帝破盧循於左里卽彭蠡

湖口左里故城在都昌縣西南九十五里彭澤故縣城在都昌縣北四十五里晉陶潛爲令治此城

太湖

職方揚州其浸五湖國語注太湖卽五湖

在吳唐西南

志湖州烏程縣有太湖占湖宣常蘇四州境

湖州東有太湖一名震澤

在吳縣西南五十里太史公上姑蘇望五湖太

湖周五百里故曰五湖有苞山亦曰夫椒山俗謂之洞庭

山海經浮玉之山北

望具區注太湖也李氏曰五湖彭蠡洞庭巢湖太

湖鑑湖

薛氏曰震澤今太湖在平江吳縣

遠夷控五溪之蠻

通典黔州楚黔中謂之五溪謂酉辰巫武陵等古

老相傳云楚子滅巴巴子兄弟五人流入黔中各

爲一溪之長一說云五溪蠻皆槃瓠子孫非巴子

也水經注武陵五溪雄辯西無辰周武帝時蠻帥

以其地歸附遂置黔州

其在黔中五溪長沙間爲
梁瓠之後其在峽中巴渠

間爲廩
君之後

劔南

東連牂柯

通典牂柯渠帥姓謝氏舊臣中國正觀中修貢列

其地爲牂州

思州當牂
柯之衝要

西界吐蕃

見前

南接羣蠻

羣蠻南詔北抵益州又有烏蠻白水蠻昆明蠻充

州蠻六姓蠻之屬

漢州雒縣西北有白馬羌南平
蠻北與涪州接僚蓋蠻之別種

中筆川谷之間所在皆有

北通劔閣

劔閣在劔州劔門縣張載作銘有梁山亦曰大劔

山在縣西南二十四里

今隆慶府劔州普安縣亦曰梁山在劔州普安縣

北四十九里通典利州益昌縣古劔閣道秦使司馬錯伐蜀所由謂之石牛道郡縣志自益昌縣界而南十里至劔州普安縣大劔鎮

名山 峨眉

峨眉大山在嘉州峨眉縣西七里

漢犍爲郡隋眉山郡今嘉定府

兩山相對望之如峨眉中峨眉在縣東南二十里

西魏置眉州在峨眉之陰

因山爲名蜀都賦抗峨眉之

重阻

大峨山在峨眉山在南百里中峨山在南二十里小峨山在南三十里是爲三峨

青城

在永康軍青城縣北三十二里

峨山第一峰也仙經云此

是第五洞天上有流泉懸澗一日三時灑落謂之

潮泉

鶴鳴

在蜀州晉原縣西七十九里

今崇慶府絕壁千尋後漢

張陵學道鶴鳴山中

一云在縣西八十里益州記張道陵登仙之所時有白鶴

遊其

岷山

在茂州汶山縣俗謂之鐵豹嶺禹導江始於此河圖括地象曰岷山之地上爲斗絡帝以會昌神以建福禹貢岷山導江東別爲沱沱水在彭州唐昌縣
太史公西瞻蜀之岷山郡縣志岷山在岷州益樂縣南一里

大川 涪水

出剛氏道徼外經綿州巴西縣至合州入漢

雒水

出漢州雒縣章山南至新都谷入渝蜀都賦浸以縣雒

西漢水

康熙二十六年刊

道釋卷五

三五

出秦州清水縣

通典上邽縣今省入清水

嶓冢山南入廣漢白

水東南至重慶府江津縣入江

禹貢廣記此嘉陵江水薛氏曰西漢

出清水之嶓冢與嘉陵合流入蜀

江瀆

江源在松州交川縣西北江源鎮至茂州岷山自

岷山東流別而爲沱

至通州海門縣入海

山海經岷山江水

出焉東北流注于海嶮山嵒山江水出焉東流注

于大江

遠夷控西河羣蠻

唐志劔南諸蠻州九十二無城邑椎髻皮服通典

松外諸蠻貞觀末遣兵從西洱河討之其西洱河
從雋州西千五百里其地有數十百部落

嶺南

東南際海

秦置南海尉所謂東南一尉也

通典禹貢物產貢賦職方山藪川浸

皆不及五嶺之外則嶺南之地非九州之境

西極群蠻

漢交趾九真日南合浦皆有蠻唐嶺南諸蠻州九
十二隸桂邕州安南府蜀夔蠻州十八隸峯州

北據五嶺

秦南守五嶺塞上嶺一也

今南安軍大庾嶺

騎田嶺二也

今郴州臘嶺

都龐嶺三也

今道州永明嶺

毗渚嶺四也

今道州白芒嶺

越城嶺五也

今靜江府北永州南臨源嶺

名山 黃嶺

在廣州東莞縣

靈洲山

在廣州南海縣鬱水中

南越志蕭連山西十二里有靈洲焉其山平原瀾壑

大川 桂水

連州桂陽縣在桂水之陽又靜江府臨桂縣有灘水一名桂江經縣東去縣十步九域志韶州曲江

縣有桂水

鬱水

在南海縣漢志鬱林郡廣鬱縣鬱水首受夜郎脉

水東至四會縣入海

四會屬廣州

山海經出象郡而西

南注南海入須陵東南

遠夷控百越林邑扶南

通典自嶺以南是百越之地自交趾至會稽七八

千里百越雜處各有種姓古謂之雕題林邑漢桓

靈後蠻獠據象郡象林縣遂爲林邑國晉灌邃討

之宋杜慧度宗愨隋劉方破之唐曰環王

今占

扶城

通雅卷之三
三
七百八十六
南在日南郡之南海西大島中在林邑西南文身
被髮晉隋遣使貢獻唐亦來貢

通鑑地理通釋卷第六

浚儀王應麟伯厚甫

周形勢攷

周室微諸侯不享覲天子之在者惟祭與號通鑑記始於威烈王命魏趙韓稽古錄曰三大夫始受天子之命禮之紀綱盡矣蓋文侯之命書所以終平王東遷春秋所以始知趙韓魏左氏傳之終也魏趙韓爲諸侯通鑑之始也源流貫通相爲經緯觀通鑑者當自書春秋始今畧攷周之地勢系于七國之前

左氏傳景王使詹桓伯辭於晉曰我自夏以后稷魏

駘芮岐畢吾西土也及武王克商蒲姑商奄吾東土也巴濮楚鄧吾南土也肅慎燕亳吾北土也吾何邇封之有

杜氏曰夏世以后稷功受五國爲西土之長魏陝州芮城縣本魏國地魯桓公時芮伯萬出居于魏卽此地漢河北縣地後周改芮城駘京兆府武功縣本郃邑后稷所封亦作鞏漢屬右扶風後漢省武功亦漢縣治故鞏城芮同州馮翊縣本芮國漢臨晉縣地屬左馮翊隋改縣曰馮翊岐鳳翔府岐山縣東北十里有岐山通典文王徙於

岐卽此縣孟子春子言文王治岐杜氏注在美陽縣西北輿地廣記岐陽縣漢美陽縣地太王邑岐山之下詩謂居岐之陽文王亦治焉唐省入扶風縣爲岐陽鎮 畢在京兆府咸陽縣西北郡縣志畢原在京兆府萬年縣西南二十八里詩注云畢終南之道名也書周公葬于畢畢原卽咸陽縣所理也左傳畢文之昭也卽謂此地原南北數十里東西二三百里亦謂畢陌通典文王葬畢初王季都之後畢公高封焉注蒲姑注云博昌縣北有蒲姑城通典姑幕縣故城在密州莒縣東北古蒲姑

氏國郡縣志薄姑故城在青州博昌縣東北六十

里

今博興縣

輿地廣記青州博興縣有薄姑城商末爲

諸侯居此成王滅之晏子曰蒲姑氏因之而後太

公因之商奄左傳因商奄之民說文郟國在魯

括地志兗州曲阜縣奄里卽奄國之地周有徐奄

注一國嬴姓書序成王東伐淮夷遂踐奄遷其君

於蒲姑巴重慶府巴縣本江州縣古巴國今重

慶黔達施忠萬開涪州南平軍渠資普昌合州廣

安軍皆其地也秦取其地立巴郡濮見牧誓伊

尹爲四方獻令正南百濮郡國志越嶲會無縣

陽國志曰故濮人邑鄭語楚蚡冒始啓濮劉伯莊
曰濮在楚西南左傳麋人率百濮聚於選將伐楚
通典有尾濮木綿濮文面濮折胥濮赤口濮黑棘
濮爾雅南至於濮鈞周書王會卜人丹砂注云西
南之蠻蓋濮人也諸濮與袁牢地相接 楚商頌
奮伐荆楚荆州之楚國也周封熊繹爲楚子今歸
州秭歸縣東南丹陽城 鄧襄陽府鄧城縣漢爲
鄧縣唐爲臨漢縣有故鄧城在縣東北二十二里卽
鄧國 肅慎北夷在玄菟北三千餘里通典挹婁
卽古肅慎之國在不咸山北夫餘東北千餘里濱

大海勿吉在高句麗北亦古肅慎國地靺鞨卽勿吉也燕在涿鹿山南召公所封都幽州薊縣北燕伯欵始見春秋 毫秦紀寧公與毫戰皇甫謐云西夷之國

北土之毫未詳

國語史伯曰當成周者南有荆蠻申呂應鄧陳蔡隨唐北有衛燕翟鮮虞路洛泉徐蒲西有虢號晉隗霍揚魏芮東有齊魯曹宋滕薛鄒莒

荆蠻注云芊姓之蠻鬻熊之後蠻芊蠻矣謂叔熊在濮從蠻俗也今按詩云蠻荆叔向曰昔成王盟諸侯于岐陽楚爲荆蠻置茅施設望表與鮮牟守

燎故不與盟荆蠻卽楚也

春秋莊公世書荆蠻元年乃書楚人伐鄭蓋始

楚

申姜姓詩申伯故申城在鄧州南陽縣

二十里南陽秦宛縣國在今鄧州信陽軍之境

醫姜姓書呂侯故呂城在鄧州南陽縣西四十里

林氏曰秦漢之際南陽爲要地楚有圖北方之志

其君多居于申合諸侯又在焉子重請申呂爲賞

田巫臣曰不可此申呂所以邑也是以爲賦以禦

北方若取之是無申呂也晉鄭必至于漢申卽宛

也方城之險楚所恃而申在方城之內冥阨之險

又在方城之內應姬在汝州武王子封在汝州漢志

潁川郡父城縣應鄉故國秦范睢封應侯縣廢入

汝州葉縣

鄧曼姓

見前

陳媯姓周封舜後滿

以備三恪在陳州宛丘縣

蔡姬姓文王子所封

蔡州上蔡縣蔡叔始封也平侯自上蔡遷新蔡縣

隨姬姓在隨州隨縣左傳漢東之國隨爲大

唐姬姓隨州唐城縣故唐國漢爲上唐鄉屬舂陵

晉置上唐縣隋改唐城衛姬姓康叔之封都殷

之朝歌衛州及黎陽野王皆衛之分

燕姬姓

見

前

翟隗姓白狄有延安府鄜丹綏廓銀石州之地

鮮虞姬姓在翟者今中山府新樂縣

古解燕國戰國爲中山

為晉今太原府陽曲縣 魏姬姓 未詳其地 霍

姬姓文王子叔虞所封在晉州霍邑縣 楊姬姓

晉州洪洞縣本楊侯國漢為楊縣隋改洪洞取嶺

為名 魏姬姓河中府永樂縣古魏國詩謂魏地

狹隘漢河北縣唐分芮城置永樂 芮姬姓 見前

齊姜姓太公望之後都營丘今青州臨淄縣

魯姬姓周公旦之後伯禽宅曲阜今襲慶府仙源

縣 曹姬姓文王子振鏗之後宅陶丘今興仁

濟陰縣東北三十七里定陶故城 宋子姓微子

子為宋公今應天府宋城縣 滕姬姓文王子叔

周影

繡所封今徐州滕縣西南十四里有滕城 薛任

姓奚仲所封漢有薛縣故國後廢故城在徐州滕

縣東 鄒曹姓春秋邾子陸終之後今襲慶府鄒縣

莒已姓東夷之國今密州莒縣 曹元首六代論

曰三代之君與天下共其民故天下同其憂秦王

獨制其民故傾危而莫救夫與人共其樂者人必

憂其憂與人同其安者人必拯其危先王知獨治

之不能久也故與人共治之知獨守之不能固也

故與人共守之兼親疏而兩用參同異而並進是

以輕重足以相鎮親疎足以相衛并兼路塞逆節

不生及其衰也桓文帥禮苞茅不貢齊師伐楚宋
不城周晉戮其宰望綱弛而復張諸侯傲而復肅
二霸之後寢以陵遲吳楚憑江負固方城雖心希
九鼎而畏迫宗姬姦情散於曾懷逆謀消於唇吻
斯豈非信重親戚任用賢能枝葉碩茂本根賴之
與自此之後轉相攻伐吳并於越晉分爲三魯滅
於楚鄭兼於韓暨乎戰國諸姬微矣唯燕衛獨存
然皆弱小西迫強秦南畏齊楚救於滅亡匪遑相
卹至於王赧降爲庶人猶枝幹相持得居號位海
內無主四十餘年 林氏曰春秋歷十三王君無

弑逆之禍臣無專擅之變外弱而內固枝傷而幹
存故晉齊多叛臣宋鄭多叛親魯多叛邑衛多叛
戾而周無僭逆之亂齊俗好游秦俗好兵晉魏之
俗褊鄭衛之俗淫而周無變異之風齊作內政晉
作爰田魯作丘甲鄭作封洫而周之政則守先王
之政晉大夫貪鄭大夫侈魯大夫抗齊大夫驕而
周之臣則貴先王之禮齊晉有世臣而無公族宋
魯有公族而無世臣權在世臣則雖強而亡權在
公族則雖存而削惟周之立國兼而有之親疎相
制本枝相維凡此者皆非諸國之所及也故秦雖

免胄而過門楚雖觀其而問鼎吳雖告勞而矜功
亦終懾服內聽而不敢動况中國之君乎

左氏傳桓王八年與鄭人蘇忿生之田温原絺樊隰

邲攢茅向盟

音孟

州陘隤懷惠王五年與鄭伯武公之

略白虎牢以東與虢公酒泉襄王十七年與晉侯陽
樊温原攢茅之田晉於是始啓南陽

漢地理志周地今河南雒陽穀城平陰偃師鞏緱
氏是其分也初雒邑與宗周通封畿東西長而南
北短短長相覆爲千里至襄王以河內賜晉文公
又爲諸侯所侵故其分墜小唐天文志周之典也

王畿千里及其衰也僅得河南七縣通典周之封
域與西得今河南洛陽偃師東至緱氏鞏縣南得
伊闕北至于河當戰國時其境最狹東西南北才
通餘里 温孟州温縣春秋僖十年狄滅温蘇子

秦衛於是襄王以賜晉文公 原在孟州濟源縣

漢軹縣原鄉
晉沁水縣南

絺在野王縣西南今懷州河內縣

樊一名陽樊野王縣西南有陽城國語陽人曰

陽有夏商之嗣典樊仲之官守樊仲山父食采於

樊 隰邨在懷縣西南

懷縣省入懷
州武陟縣

攢茅在懷

州脩武縣北 向軹縣新地名向上

軹縣唐省入
孟州濟源縣

盟本盟津在孟州河陽縣 陜通典河南府密

縣有陜山 隕在脩武縣北 懷即懷縣 凡十二

貢單懷 南陽懷州脩武縣有南陽城晉啓南陽

之地 即此今孟懷州皆春秋南陽之地 虎牢孟州汜

水縣 酒泉周邑 未詳 陳氏曰九州川浸澤藪

各在職方不屬諸侯之版而詩不以圃田繫鄭春

秋不以沙麓繫晉略可覩矣周季諸侯始擅不盼

之利齊幹山海而桃林之塞郇瑕之地晉實私之

替侈滋甚徃徃稱伯甚者至周成貢百五十金於

魏以易溫圃 呂氏自言周秦之疆弱者必歸之

形勢其說始於婁敬敬所見者特平王之周耳曷
嘗見文武成康之周哉敬以周之形勢爲弱秦遠
形勢爲強抑不知敬之所謂秦乃文武成康之周
也文武成康之世岐豐乃周之都如敬之言被山
帶河四塞以爲固者蓋皆周之形勢當是時安有
所謂秦者耶迨至平王東遷輕捐岐豐之地以封
秦遂成秦之強是秦非能自強也得周之形勢而
強也秦得周之形勢以無道行之猶足以雄視諸
侯并吞天下況文武成康本之以盛德輔之以形
勢其孰能禦之耶是夫形勢之強者莫周若也

敬何由見而遽以弱名周聯自平王捐岐豐以封秦既失周之半以破裂不全之周兢兢自保猶恐難立豈容復有所侵削今日割虎牢畀鄭明日割酒泉畀虢至襄王又頓捐數邑於晉隧固王章也千里之畿甸亦王章也襄王惜禮文不以與晉自謂能守王章抑不知割地自削則畿甸之王章既不全矣惜其一而墮其二烏在其能守王章耶趙氏曰周之始東也以父子之變東而又東也以兄弟之爭 林氏曰周至平王而弱襄王而微敬王而亂此東周之三變也平王當齊晉秦楚代興

之始襄王當齊晉秦楚爭伯之初敬王當齊晉秦
楚俱弱之後夫四國強而周弱四國伯而周微固
其勢也四國既弱而周之亂又甚焉實周自爲耳
或曰觀史伯之言成周南有申呂而有荆蠻焉北
有衛而有翟焉何以無亂華之憂曰大雅有云大
那維屏大宗維翰此立國之根本也申呂在宛維
周之翰何畏乎荆衛在河朔行方伯連率之職何
虞乎翟肅肅謝功召伯營之爲申伯作也修爾車
馬弓矢戎兵衛武自微也乃心罔不在王室諸夏
安而四夷服周之衰也申侯啓西戎之亂而終爲
荆所滅衛宣稔淫亂之惡而終爲狄所滅東遷之
後晉鄭焉依晉有河東鄭有成臯榮陽皆洛都之
屏翰也周亦不競於鄭奪其政取其田召狄以伐
之於晉助蝨賊而翦覆焉賞篡逆而爵命焉征伐
安得不自諸侯出乎然子頽之亂鄭之自入子帶
之難又晉之由定猶有賴於二國也晉楚爭鄭迭
爲勝負鄭以犧牲玉帛待於二竟宋之盟無夷夏

康熙二十六年刊

通鑑卷六十一

十一

之辨申之會諸侯晉爲夷晉亦不臣而暴蔑宗周
至於率陰戎伐潁魏蠻荆何有於周室劉文公合
十八國於召陵謀伐楚而晉大夫以賄敗之諸侯
遂不知有周矣嘗以春秋書魯者攷之天王來聘
者七錫命者三闕葬者四歸賑者一而公如京師
者一朝王所者三卿大夫如京師者五君日卑而
臣日慢福威下移冠履易位履霜於曲沃之命堅
水於三晉之命周自是不可爲雖孟子之言王道
已絕望于周一魯仲連

黃氏曰荆宛并韓其國

其能障橫流之波乎

都皆近京師宛衛武關以制楚韓扞臨晉以制狄

皆天下形勝故宣王中興特著二詩焉大抵周人

幽據全燕

制狄

齊據海岱

制徐淮

兗冀翼蔽洛陽

并荆控扼咸雍此天下全勢也觀九州山川險要
之處與其建牧規模而經略大體可見矣 朱氏

曰自申繒之讎不復而毋家之屯戍是急鍾巫之賊不正而諸侯之盟會狎至春秋所以作也討夏南之亂不出於諸華而反出於夷狄之國請討田恒之無君不見於公卿而特出於去位之大夫更戰國與秦斯義愈晦然三戶亡秦之怨猶見於故楚之遺老使者五反必欲復立魏後之義猶復見於先魏之故臣感五世相韓之德不憚破家捐軀而求報者猶有圯下孺子也天命流行人心如故斯理詎可湮滅哉

通鑑地理通釋卷上

浚儀王應麟伯厚甫

名臣議論攷

古之謀國者知天下之大勢圖爭揆策規畫先定無
言不酬今自樂毅而下著于篇

樂毅對伐齊

樂毅爲魏使於燕燕王以客禮待之遂委質爲臣當
是時齊湣王彊南敗楚相唐昧於重丘西摧三晉於
觀津遂與三晉擊秦助趙滅中山破宋廣地千餘里
與秦昭王爭重爲帝於是燕昭王問伐齊之事樂毅

萬曆丁亥年

通鑑卷上

監生吳時選刊

對曰齊霸國之餘業也地大人衆未易獨攻也王必欲伐之莫如與趙及楚魏於是使樂毅約趙惠文王別使連楚魏令趙囑秦以伐齊之利諸侯害齊潛王之驕暴皆爭合從與燕伐齊樂毅還報燕昭王悉起兵使樂毅爲上將軍趙惠文王以相國印授樂毅樂毅於是并護趙楚韓魏燕之兵以伐齊破之濟西諸侯兵罷歸而燕軍樂毅獨追至于臨菑齊潛王之敗濟西亡走保於莒樂毅獨留徇齊燕昭王大說親至濟上勞軍行賞饗士封樂毅於昌國號爲昌國君樂毅留徇齊五歲下齊七十餘城皆爲郡縣以屬燕唯

呂卽墨未服

重丘

應劭曰安德縣北五十里有重丘鄉水經注故重

丘縣

漢屬平原

在德州左傳襄二十五年諸侯同盟于

重丘輿地廣記永靜軍將陵縣漢重丘縣地隋於

重丘故城置

唐屬德州

慶曆七年屬永靜

觀津

正義在冀州武邑縣東南二十五里輿地廣記觀

津鎮本趙地樂毅封於此號望諸君漢爲縣屬信

都

初屬清河外戚傳竇后家在觀津通
典故城在德州棗縣東北後屬冀州

康熙二十六年刊

直隸志

二

濟西

正義謂濟州已西左傳傳三十一年取濟西田分曹地也 水經注春秋莊十八年公追戎于濟西京相璠曰濟水自鉅野至濟北是也蘇代曰秦以濟西委於趙有濟西趙之河東國危

臨淄

青州臨淄縣古營丘之地城臨淄水故曰臨淄師尚父所封

莒

今密州莒縣故莒國

昌國

正義故城在淄州淄川縣東北四十里漢齊郡之縣

卽墨

今萊州之縣故城在縣西膠水縣南六十里

濟上

濟水之上禹貢濟東北會于汶孔氏云濟與汶合濟職方氏及漢志說文作沛兗州之川今禹貢從水從齊乃字之誤當以古文爲正

濟水出常山郡房子縣贊

皇山別是一水
名音同實異

萬曆十六年刊

卷之二

二

監製李士高刊

寧臺

索隱云燕臺也括地志元英磨室二宮皆燕宮在

幽州薊縣西四里寧臺之下戰國策云層室

通典燕國

都碣石宮

薊丘

正義薊縣西北隅有薊丘索隱云燕所都之地

今燕

山府薊縣因丘以名邑

地理志薊南通齊趙勃碣之間一

都會也薊縣故燕國召公所封

漢屬南陽郡唐屬幽州

汶篁

正義汶水源出兗州博城縣東北原山西南入沛

徐廣云竹田曰篁謂燕之疆界移於齊之汶水

索隱

曰薊丘燕所都之地燕之薊丘所植植齊汶上之竹

蕭何韓信論定三秦

項羽立沛公爲漢王而三分關中地王秦降將以距漢王漢王怒欲謀攻項羽蕭何諫之曰雖王漢中之惡不猶愈於死乎語曰天漢其稱甚美夫能詘於一人之下而信於萬乘之上者湯武是也願大王王漢中養其民以致賢人收用巴蜀還定三秦天下可圖也漢王曰善韓信拜大將王曰丞相數言將軍將軍何以教寡人計策信曰項王雖霸天下而臣諸侯

不居關中而都彭城又背義帝約而以親愛王諸侯
不平諸侯之見項王逐義帝江南亦皆歸逐其主自
王善地項王所過亡不殘滅多怨百姓百姓不附特
劫於威疆服耳名雖爲霸實失天下心故曰其疆易
弱今大王誠能反其道任天下武勇何不誅以天下
城邑封功臣何不服以義兵從恩東歸之士何不散
且三秦王爲秦將將秦子弟數歲而所殺亡不可勝
計又欺其衆降諸侯至新安項王詐阬秦降卒二十
餘萬人唯獨邯欣翳脫秦父兄怨此三人痛於骨髓
今楚疆以威王此三人秦兵莫愛也大王之人武關

秋豪亡所害除秦苛法與民約法三章耳秦民亡不欲得大王王秦者於諸侯之約大王當王關中關中民戶知之王失職之蜀民亡不恨者今王舉而東三秦可傳檄而定也於是漢王大喜自以爲得信晚遂聽信計部署諸將所擊漢王舉兵東出陳倉定三秦二年出關收魏河南韓殷王皆降令齊趙共擊楚彭城漢兵敗散而還信復發兵與漢王會滎陽復擊破楚京索間以故楚兵不能西信定河東使人請漢王願益兵三萬人臣請以北舉燕趙東擊齊南絕楚之糧道西與大王會於滎陽

興元府城固縣有韓信臺卽高帝置壇設九賓之禮

拜信為大將

漢中

元和郡縣志屬楚秦惠文王取漢中地六百里為

漢中郡後漢注故城在今梁州南鄭縣東北輿地

廣記房金洋州興元符索隱云在楚之西北漢水

南穰侯相秦舉任鄙為漢中守

呂氏曰鄙之守沛邊秦之所倚也

公王巴蜀漢中四十一縣都南鄭今興元府南鄭

縣

水經注云耆舊傳云南鄭之號始於鄭桓公桓公死於大戎其民南奔故以南為稱即漢中郡

治也漢高祖入秦項羽封為漢王蕭何曰天漢美名也遂都南鄭大城周四十二里城內有小城南

憑北結環雉金墉漆片皆漢所修築

漢中地形襟要高帝始基于

此用能定三秦先主之圖蜀倚爲重鎮

商傳別將攻旬關

西定漢中旬關海陽縣郡縣志通關山在興元府城固縣東北九里漢高祖北定三秦蕭何興元府欲修此道通關中故名通關山城固故城在縣東六里韓信所築

巴蜀

秦二郡苴蜀相攻秦使張儀司馬錯取蜀譙周曰苴今之巴郡也正義曰蜀王封其弟于漢中號曰苴侯因命之邑曰葭萌苴侯與巴王爲好巴與蜀爲讎故蜀王怒伐苴苴奔巴求救於秦秦遣張儀伐蜀滅之因滅巴

括地志云苴侯都葭萌今利州益昌縣葭萌故城是蜀侯都益

州太史公曰巴蜀四塞棧道千里唯褒斜綰轂其

口在漢中

三秦

章邯王雍

地理志右扶風輿地廣記鳳都廢丘 昭

曰即周大丘懿王所都秦更名廢丘漢更曰槐里

括地志古城在雍州始平縣東南十里輿地廣記

京兆府司馬欣王塞 顏氏曰取河華之固為隄塞

與平縣 地理志京兆左馮翊廣記京

兆府同州 都櫟陽 括地志故城一名萬年城在雍

屬塞國 董翳王翟 地理志上郡文潁曰本上郡秦

公城櫟 陽即此 法言曰漢初業山南也 漢中發跡

三秦

翟都高奴

延安府臨真縣

法言曰漢初業山南也

漢中發跡

屬

關中

韓生曰關中阻山帶河四塞之地三輔舊事云西以散關爲限東以函谷爲界二關之中謂之關中雍錄云此說未盡顏氏曰自函谷關以西總名關中徐廣曰東函谷南武關西散關北蕭關其說是也

史記正義東有函谷蒲津西有散關隴山南有堯山武關北有蕭關黃河在四關中故曰關中

彭城

徐州之縣故大彭國春秋時宋封魚石呂氏曰或咎羽不從韓生之計殊不知天時不如地利地利不如人和以羽之暴雖王關中無益也

江南

項羽紀徙義帝長沙郴縣今郴州縣

新安

河南府之縣括地志故城在澠池縣東二十三里

漢屬
洪農

武關

左傳哀四年楚人謀北方司馬起豐析以臨上雒使謂陰地之命大夫曰將通於少習以聽命杜氏

注少習商縣武關也將大開武關道以伐晉商縣漢屬

弘農郡後漢屬京兆晉屬上洛郡隋改
為商洛縣郡縣志商州卽晉陰地也史記貨殖

傳南陽西通武關鄖關應劭曰武關秦南關通南
陽文潁曰在析西百七十

里郡國志在析今鄧州內鄉縣地理志漢中長利縣有鄧關長利今

商州上京相璠曰少習楚通上洛阨道也水經注丹水白

商縣東南郡縣志武關在商州商洛縣東寰宇記東南

九十里括地志同卽少習也楚懷王三十年秦昭王遺

懷王書願會武關詐令一將軍伏兵武關號爲秦

王至則閉執之以歸楚世家秦兵出武關攻楚取析十五城漢元年

八月沛公攻武關入秦子嬰立三月沛公兵從武關入至咸陽三年五月轅

生說漢王出武關又七國反周亞夫擊之趙涉說曰從此

右走藍田出武關抵雒陽不過差一二日直入武

庫擊鳴鼓諸侯聞之以爲將軍從天而下戰國策卽罌大

夫見齊王曰鄆郢大夫使收楚故地卽武關可以入矣武帝紀太初四年冬徙弘農都尉治武關

輿地廣記商洛縣東有少習秦謂之武關賈誼新

書所爲建武關函谷臨晉關者大抵爲備山東諸

侯也

田祿伯說吳王願得五萬人入武關淮南王安曰發南陽兵守武關延岑自武關走南陽

林氏曰春秋時武關晉地非秦有也秦未得武關

故不可以制楚穆公之世秦伐都與楚爭商密商

密近武關呂氏曰沛公圍宛定南陽至丹水還攻

胡陽攻析鄠皆降攻武關入秦引兵繞燒關踰蕢

山擊秦軍至藍田遂西入咸陽此高帝入關所歷

也王氏曰臨晉以限東諸侯武關以限南諸侯函

谷以限河北沛公南出轅轅畧南陽然後引兵而

西則其破武關而入秦皆南境也

晉桓温伐秦步兵自浙州起武

關太康地理志堯關在武關之西法言或問義帝初矯劉龕南陽項救河北二方分崩一離一合設秦得人如何曰人無爲秦也喪其靈久也荆州記曰武關西北一百二十里有商城漢爲商縣

陳倉

縣屬右扶風輿地廣記鳳翔府寶雞縣故陳倉故

城在縣東二十里大散關在西南

郡國志注三秦記曰秦武公都

雍陳倉城是也

河南韓殷

申陽王河南鄭昌王韓司馬卯王殷呂氏曰漢王

通雅卷一
九
三三六五
降申陽而置河南郡降魏豹而得河東郡虜司馬
卬而置河內郡三河之地皆爲漢有矣故告諸侯
之辭有悉發關中兵收三河士之語也

滎陽

漢屬河南今鄭州滎陽滎澤二縣

滎城在滎澤縣西南十七里

范雎說秦昭王曰王下兵而攻滎陽則鞏成臯之
道不通呂氏曰滎陽成臯自春秋以來常爲天下
重地由秦而上晉楚于此而爭霸由秦而下楚漢
於此而分雌雄天下既定七國淮南衡山之變猶
俾睨此地而決成敗焉東都以後言形勢者及之

者鮮矣人事既改則地之輕重亦有時而移也高帝十二年詔陳平灌嬰將十萬衆屯滎陽帝以天下新定恐易世之際人心或動搖故以信臣重兵填南北之衝地理志成臯亦名制滎陽故魏國則成臯滎陽皆東魏地

京索

元和郡縣志鄭州滎陽縣京水出縣南平地索水

出縣南三十五里小陘山京縣故城縣東南二十

里卽鄭京城大叔之邑古大索城今縣治左傳鄭子皮子

大叔勞小索城縣北四里史記正義京縣有大索

城小索城楚漢戰滎陽京索間卽此三城蒯通曰

楚人起彭城轉關逐北至滎陽乘利席勝威震天

通鑑卷一百一十一
下然兵困於京索之間迫西山而不能進

應劭曰京縣有

大索小索亭

高紀與楚戰滎陽南京索間

酈食其畫取楚之策

漢三年秋項羽擊漢拔滎陽漢兵遁保鞏楚人聞韓信破趙彭越數反梁地則分兵救之韓信方東擊齊漢王數困滎陽成臯計欲捐成臯以東屯鞏維隄距楚食其因曰臣聞之知天之天者王事可成不知天之天者王事不可成王者以民爲天而民以食爲天夫敖倉天下轉輸久矣臣聞其下乃有臧粟甚多楚人拔滎陽不堅守敖倉廼引而東令適卒分守成臯

此乃天所以資漢方今楚易取而漢反卻自奪便臣
以爲過矣且兩雄不俱立楚漢久相持不決百姓
騷動海內搖蕩農夫釋耒紅女下機天下之心未有
所定也願足下急復進兵收取滎陽據敖庾之粟塞
鞏臯之險杜太行之道距飛狐之口守白馬之津以
水諸侯形制之勢則天下知所歸矣方今燕趙以定
齊未下今田廣據千里之齊田間將二十萬之衆
軍於歷城諸田宗彊負海岱阻河濟南近楚齊人多
受詐足下雖遣數十萬師未可以歲月破也臣請得
奉明詔說齊王使爲漢而稱東藩上曰善迺從其畫

守敖倉而使食其說齊王 轅生說漢王曰漢與
相距滎陽數歲漢常困願君王出武關項王必引
南走王深壁令滎陽成臯間且得休息使韓信等
輯河北趙地連燕齊君王乃復走滎陽如此則楚
所備者多力分漢得休息復與之戰破之必矣

河南府之縣地理志東周所居元和郡縣志春秋
晉師克鞏縣本與成臯中分洛水西則鞏東則成
臯後魏併焉爾雅鞏固也四面有山河之固因以
爲名

成臯

漢河南之縣故虎牢郡縣志河南府汜水縣

後屬孟州

古東虢國鄭之制邑漢之成臯

隋改曰汜水

項羽使曹

咎守之漢王破之成臯故關在縣東南二里通典

云後漢置關春秋襄二年遂城虎牢十年成鄭虎

牢胡氏春秋傳曰虎牢鄭地故稱制邑至漢爲成

臯今爲汜水縣巖險聞於天下猶虞之下陽趙之

上黨魏之安邑燕之榆關吳之西陵蜀之漢樂地

有所必據城有所必守而不可以棄焉者也有是

險而不能守故不繫於鄭

地理志注穆天子傳云七萃之士生捕虎即獻

天子天子畜之東魏號曰虎牢宋毛德祖成亮牢後魏書夜攻圍二百日乃克

雜

河南雒陽縣周公遷殷民是爲成周郡縣志故洛陽城在縣東二十里顏氏曰魚豢云漢火行忌水故去洛水而加佳如魚氏說則光武以後改爲雒

字

敖倉

書仲丁遷于囂詩搏獸于敖後漢注詩薄狩于敖即此秦於此築太倉

亦曰敖廋在今鄭州蔡陽縣西北左傳晉帥在敖鄆之間名二山秦

建敖倉於成臯太康地理志敖地名在滎陽西北山上

臨河有大倉

孟康注

呂氏曰滎陽成臯控南北之衝

故秦積粟於此通典巨橋盈而殷喪成臯溢而秦

亡

郡縣志敖山在鄭州滎澤縣西十五里宋武北征記秦時築倉於山上漢高祖因敖倉傍山築

甬道下汴水河南府河陰縣本漢滎陽地三皇山亦曰崱鄆山上有三城即劉項相持處括地志云

敖倉在滎陽縣西十五里石門之東北臨汴水南帶三皇山

成臯之險

正義即汜水縣山險之道淮南王曰先要成臯之

口人言絕成臯之道天下不通婁敬曰與項羽戰

滎陽爭成臯之口

輿地廣記孟州汜水縣有故虎牢城有汜水關東南有成臯故

關西南有旋門故關陸機洛陽記洛陽四關東有成臯關在汜水縣東南二里

萬曆丁亥年

卷之三

三

監生趙雲

太行之道

地理志太行山在河內山陽縣

山陽後廢故城在豫州修武縣西北

西北正義云在懷州河內縣

河內縣本野王太行山在西北

北二

十五里澤州之南羊腸之道也白起攻南陽

河內修武

也太行道絕之范睢曰北斷太行之道則上黨之

師不下

山自孟州綿亘至幽州

崔伯易感山賦云或主或臣

建功立業尤顯聞於後世則有決羊腸之險灑此

山之道攻滎陽伐韓以威天下應侯爲秦昭王之

謀也據敖倉之粟杜中山之阨使天下知所歸者

酈食其爲漢高祖之謀也踰此山入射大破青犢

之衆殺謝躬於鄴以收復天下爲心者漢光武之
謀也濟河降射犬之衆還軍敖倉屬魏種以河也
事然後西向以爭天下者魏武帝之謀也進據武
牢扼其襟要俾竇建德不能踰山入上黨收河東
之地而卒以併天下者唐太宗之謀也

郡國志河內野王縣

有太行山有射犬聚世祖破青犢輿地廣記射犬故城在懷州武德縣北蔡澤謂范睢曰君相秦也

羊腸之險塞

太行之口

飛狐之口

臣瓚口飛狐在代郡西南正義蔚州飛狐縣北百
五十里有秦漢故郡城西南有山俗號飛狐口文

帝紀匈奴入上郡雲中以令免爲車騎將軍屯飛

狐匈奴傳云漢使三將軍軍屯北地代屯句注趙

屯飛狐口後漢王霸與杜茂治飛狐道注云在今

蔚州飛狐縣北通媯州懷戎縣即古之飛狐口晉劉

現自代出飛狐口奔於安次常山圖經云山北四百餘里號飛

狐口輿地廣記有飛狐谷飛狐關在代國南四十里

白馬之津

漢白馬縣屬東郡戰國策張儀曰決白馬之口以

流魏氏蘇代說燕曰決白馬之口魏無黃濟陽代

辨決白馬之口高誘曰白馬津名水經注河過黎陽縣南

爲白馬津津之東南有白馬城唐滑州黎陽津

此也今屬滑州白馬縣本衛之曹邑

黃河去外城十一里

縣志白馬故閔在衛州黎陽縣東一里酈食其說高祖曰杜白馬之津卽北地後更名黎陽津黎陽

津一名白馬津在白馬縣北三十里鹿鳴城之西南隅通典後魏改爲黎陽津張耳陳餘

從白馬渡河劉賈擊楚度白馬津入楚地

顧氏曰卽今滑

州白馬袁紹遣顏良攻劉延於白馬

郡縣志白馬山在白馬縣

縣河北三十二里開山圖曰有白馬羣行山上悲鳴則河決馳走則山崩津與縣蓋取此山爲名慕

容德改黎陽津爲天橋津

歷城

今齊州縣漢屬濟南田廣罷歷下兵卽其地

武關

見前

朱氏

輔

曰漢楚自楚城之後割洪溝之先漢惟京

索一勝其他二戰每戰輒敗不特楚之兵威如飄
風暴雨非漢所能遏而漢之視楚如羔豚之畏貔
虎自南鄭以來雖決策東鄉之計定於韓信明其
爲賊之義發於董公捐金以間其君臣之謀顯於
陳平說布使叛楚捐關東地以與信越之議籌之
隨何張良而其所以疲楚之力而分其勢者猶未
之講也獨轅生進說使楚力分而漢休息迄用之
以平天下若生之策所謂多方以誤之亟肄以疲

之者歟高帝自得是說始出屯宛羽於是捨滎陽而南彭越破薛公下邳羽於是棄成臯而東高帝破終公成臯羽於是復引兵而西羽拔滎陽猶未設版也而漢之諸將已入其心腹燒其積聚矣羽不得已又揭揭而東羽方頓兵大梁分師援齊而漢之大兵已破其臯將拔取成臯矣羽不得已又躑躅而西歲月未久奔走不寧智勇無幾前後受敵以一國之兵而分應數十以一人之力而奔命四方此其所以坐困歟或曰漢取天下其征伐次叙大抵如秦秦人先據咸陽以爲形勝之勢乃

取巴蜀以爲富饒之本遂用范雎遠交近攻之策先滅韓魏次及楚及趙及燕然後并齊以一天下高祖始居巴蜀由蜀而取三秦然後韓信引兵取魏取趙取燕取齊與高祖會垓下以挫羽而滅之大抵先易而後難先小而後大先據形勢而後進取此用兵之道也

賈誼論封梁淮陽

誼上書曰陛下所以爲蕃干及皇太子之所恃者淮陽代二國耳代北邊匈奴與疆敵爲鄰能自完則足矣而淮陽之比七諸侯虛如黑子之著面適足以

餌大國耳不足以有所禁禦高皇帝瓜分天下以王
功臣反者如蝟毛而起以爲不可故斬去不義諸侯
而虛其國擇良日立諸子雒陽上東門之外畢以爲
王而天下安今淮南地遠者或數千里越兩諸侯而
縣屬於漢其吏民繇役往來長安者自悉而補中道
衣敝錢用諸費稱此其苦屬漢而欲得王至甚逋逃
而歸諸侯者已不少矣其勢不可久願舉淮南地以
益淮陽而爲梁王立後割淮陽北邊二三列城與東
郡以益梁不可者可徙代王而都淮陽梁起於新鄴
以北著之河淮陽包陳以南捷之江則大諸侯之有

通雅卷一
三十七
異心者破膽而不敢謀梁足以扞齊趙淮陽足以禁
吳楚陛下高枕終無山東之憂矣文帝於是從誼計
廼徙淮陽王武爲梁王北界泰山西至高陽得大縣
四十餘城徙城陽王喜爲淮南王撫其民景帝立三
年而吳楚趙與四齊王合從舉兵西鄉京師梁王扞
之卒破七國

淮陽

高帝夷彭越分梁地爲二國立子恢爲梁王子友
爲淮陽王文四年徙代王武爲淮陽王通典漢淮
陽郡故城在陳州宛丘縣西南

代

高帝詔曰代地居常山之北與夷狄邊趙乃從山
南有之遠數有胡寇難以爲國頗取山南太原之
地益屬代代之雲中以西爲雲中郡則代受邊寇
益少矣文帝以代王入卽位後分代爲兩國立子
武爲代王參爲太原王四年徙參爲代王盡得故
地都晉陽如故括地志并州太原地名大明城卽
古晉陽

雒陽上東門

顏氏云東面最北出門曰上東門雒陽城十二門

李尤銘云上東少陽厥位在寅水經注建春門卽上東門也晉曰建陽

梁

文十二年武徙梁七國反先擊梁棘壁梁王城守睢陽而使韓安國張羽等爲將軍以距吳楚吳楚以梁爲限不敢過而西按睢陽今應天府宋城縣括地志州南二里外城中本漢睢陽縣張許守一城扞天下蔽遮江淮卽此地也棘壁卽左傳太棘括地志大棘故城在宋州寧陵縣西南七十里

寧陵

州

州

新鄴

地理志汝南之縣春秋文十六年盟于鄴丘應劭云秦伐魏取鄴丘漢興爲新鄴蘇秦說魏曰南有
新鄴則非漢改是名也按郡國志新鄴建初四年徙宋公於此水經注潁水東南逕宋公縣故城北鄴丘也後漢郭竟封新鄴侯注新鄴縣屬汝南郡故城在今潁州今順昌府汝陰縣西北鄴丘城是也

陳

古陳國輿地廣記陳州宛丘縣楚頃襄王自郢徙都焉陳勝據陳自立爲張楚漢高帝置淮陽國

泰山

今襲慶府奉符縣本漢博縣有泰山

高陽

郡縣志高陽故城在汴州雍丘縣西南二十九里

高陽氏佐少昊有功受封此邑陳留風俗傳高陽

在雍丘西南

今開封府雍丘縣

酈生陳留高陽人沛公至

高陽傳舍徐廣云今在圉縣耆舊傳云圉高陽鄉

郡國志圉有高陽亭輿地廣記圉縣故城在雍丘縣東南

淮南

文十二年城陽王喜王淮南故地十六年復王故

城陽而立厲王三子王淮南故地三分之

鄧禹說光武

鄧禹聞光武安集河北即杖策北渡追及於鄴禹進說曰更始雖都關西今山東未安赤眉青犢之屬動以萬數三輔假號往往羣聚更始既未有所挫而不自聽斷諸將皆庸人屈起志在財幣爭用威力朝夕自快而已非有志良明智深慮遠圖欲尊主安民者也四方分崩離析形勢可見明公雖建藩輔之功猶恐無所成立於今之計莫若延攬英雄務悅民心立高祖之業救萬民之命以公而慮天下不足定也光

武大悅因令左右號禹曰鄧將軍常宿止於中與定計議及王郎起兵光武自薊至信都使禹發奔命得數千人令自將之別攻拔樂陽從至廣阿光武舍城樓上披輿地圖指示禹曰天下郡國如是今始乃得其一子前言以吾慮天下不足定何也禹曰方今海內殽亂人思明君猶赤子之慕慈母古之興者在德薄厚不以大小光武悅

邳彤對光武

世祖北至薊會王郎兵起使其將徇地所到縣莫不奉迎唯和戎信都堅守不下彤聞世祖從薊還失軍

欲至信都乃先使五官掾張萬督郵尹綏選精騎二千餘匹緣路迎世祖軍形等與世祖會信都世祖雖得二郡之助而兵衆未合議者多言可因信都兵自送西還長安彤廷對曰議者之言皆非也吏民歌吟思漢久矣故更始舉尊號而天下嚮應三輔清宮除道以迎之一夫荷戟大呼則千里之將無不捐城遁逃虜伏請降自古以來亦未有感物動民其如此者也又卜者王郎假名因執驅集烏合之衆遂震燕趙之地况明公奮二郡之兵揚嚮應之威以攻則何城不克以戰則何軍不服今釋此而歸豈徒空失河

北必更驚動三輔墮損威重非計之得者也若明公
無復征伐之意則雖信都之兵猶難會也何者明公
既西則邯鄲勢成民不肯捐父母背成主而千里送
公其離散亡逃可必也世祖善其言而止即日拜彤
爲後大將軍和戎太守如故使將兵居前北至堂陽
范蔚宗論曰彤之廷對其爲幾
乎語曰一言可以興邦斯近之矣

鄴 薊

相州臨漳縣本漢鄴縣 薊縣漢屬廣陽國今幽

州

燕山
府

信都

冀州信都縣漢爲信都國治光武自薊還聞信都
獨爲漢拒邯鄲卽馳赴之任光爲太守開門迎謁
樂陽

縣屬常山郡

廣阿

縣屬鉅鹿郡輿地廣記趙州隆平縣本廣阿後漢

注故城在象城縣西北

象城本朝
隆平

和戎

東觀記王莽分鉅鹿爲和戎郡居下曲陽以邳彤
爲卒正按鉅鹿郡下曲陽漢都尉治今祁州鼓城

縣常山郡上曲陽今中山府曲陽縣有上故此云下

世祖徇河北至下曲陽

彤舉城降

邯鄲

縣屬趙國時王郎據邯鄲

邯山名鄲盡也邯山至此盡

今縣屬

磁州

堂陽

縣屬鉅鹿今冀州南宮縣堂陽鎮

在堂水之陽

諸葛孔明對昭烈

先主屯新野徐庶謂先主曰諸葛孔明者卧龍也將
豈願見之乎先主遂詣亮凡三往乃見因屏人曰

漢室傾頽奸臣竊命主上蒙塵孤不度德量力欲行
大義於天下而智術短淺遂用猖獗至于今日然志
猶未已君謂計將安出亮荅曰自董卓已來豪傑並
起跨州連郡者不可勝數曹操比於袁紹則名微而
衆寡然操遂能克紹以弱爲強者非惟天時抑亦人
謀也今操已擁百萬之衆挾天子而令諸侯此誠不
可與爭鋒孫權據有江東已歷三世國險而民附賢
能爲之用此可與爲援而不可圖也荊州北據漢沔
利盡南海東連吳會西通巴蜀此用武之國而其主
不能守此殆天所以資將軍將軍豈有意乎益州險

塞沃野千里天府之土高府因之以成帝業劉璋闇
弱張魯在北民殷國富而不知存卹智能之士思得
明君將軍旣帝室之胄信義著於四海摠覽英雄思
賢如渴若跨有荆益保其巖阻西和諸戎南撫夷越
外結好孫權內修政理天下有變則命一上將將荆
州之軍以向宛洛將軍身率益州之衆出於秦川百
姓孰敢不簞食壺漿以迎將軍者乎誠如是則霸業
可成漢室可興矣先主曰善

新野 隆中

新野縣屬南陽郡唐省入鄧州穰縣 漢晉春秋

諸葛亮家于南陽之鄧縣在襄陽城西二十里號曰隆中

荊州

刺史初治漢壽

武陵

後治南郡

江陵

南齊志云中平末

王睿始治江陵部郡七

劉表傳云荊州八郡

劉表爲牧開土

遂廣南接五嶺北據漢川地方數千里漢沔左

氏傳楚國漢水以爲池注云漢水出武都至江夏

南入江水經沔水出武都沮縣東狼谷中地理志

東漢水受氏道水一名沔過江夏謂之夏水入江

南海詩江漢于疆于理至于南海左傳楚奄征

南海 吳會吳郡會稽郡永建四年分會稽爲吳郡吳志朱桓部伍吳會二郡莊子釋文云浙江爲吳會分界是也 巴蜀漢地理志江陵故郢都西通巫巴

益州

刺史初治雒部郡九屬國三劉焉爲牧徙治縣竹

漢州縣

又徙治成都璋其子也張魯據漢中取巴郡

宛洛

南陽西通武關鄖關東南受漢江淮宛亦一都會也

宛縣今鄧州南陽縣

洛陽東有成臯西有穀黿通典云

陽北接宛洛高紀沛公北攻平陰絕河津南戰雒陽東軍不利略南陽郡圍宛城陳恢見沛公曰宛大郡之都也連城數十

秦川

天水郡秦州秦始封之邑水經注秦水出大隴山秦谷歷三泉合成一水而歷秦川川有秦亭秦仲

所封也高紀漢王從故道襲雍

故道鳳州梁泉縣

孔明出

祁山

岷州長道縣岷州今西和州

斜谷

興元府褒城縣

姜維欲乘虛向

秦川出駱谷

鳳翔府蓋屋縣

此自蜀攻秦之路

王朴平邊策

周世宗卽位獻平邊策曰唐失道而失吳蜀晉失道而失幽并觀所以失之由知所以平之術當失之時君暗政亂兵驕民困近者姦於內遠者叛於外小不制而至于僭大不制而至于濫天下離心人不用命吳蜀乘其亂而竊其號幽并乘其間而據其地平之之術在乎反唐晉之失而已必先進賢退不肖以清其時用能去不能以審其材恩信號令以結其心賞功罰罪以盡其力恭儉節用以豐其材徭役以時以阜其民俟其倉廩實器用備人可用而舉之彼方之民知我政化大行上下同心力疆財足人安將和有

必取之勢則知彼情狀者願爲之間諜知彼山川者願爲之先導彼民與此民之心同是與天意同與天意同則無不成之功攻取之道從易者始當今惟吳易圖東至海南至江可撓之地二千里從少備處先撓之備東則撓西備西則撓東彼必奔走以救其弊奔走之間可以知彼之虛實衆之疆弱攻虛擊弱則所向無前矣勿大舉但以輕兵撓之彼人怯弱知我師入其地必大發以來應數大發則民困而國竭一不大發則我獲其利彼竭我利則江北諸州乃國家之所有也既得江北則用彼之民揚我之兵江之南

亦不難而平之也如此則用力少而收功多得吳則桂廣皆爲內臣岷蜀可飛書而召之如不至則四面並進席卷而蜀平矣吳蜀平幽可望風而至唯并必死之寇不可以恩信誘必須以疆兵攻力已竭氣已喪不足以爲邊患可爲後圖方今兵力精練器用具備羣下知法諸將用命一稔之後可以平邊是時世宗銳意征伐已撓羣議親敗劉旻於高平歸而益治兵慨然有平一天下之志數顧大臣問治道選文學之士徐台符等二十人使作爲君難爲臣不議論及平邊策朴在選中而當時文士皆不欲上急於用武

以謂平定僭亂在修文德以爲先。唯翰林學士陶穀
竇儀御史中丞楊昭儉與朴皆言用兵之策。朴謂江
淮爲可先取。世宗雅以知朴及見其議論偉然。益以
爲奇。引與計議天下事。無不合。遂決意用之。歐陽公
曰。其陳用兵之畧。非特一時之策。至言諸國興滅。次
第云。淮南可最先取。弁必死之寇。最後亡。其後宋興
平定四方。惟弁獨後服。皆如朴言。

高平

縣屬澤州。秦破趙於長平。卽此地。顯德元年。次澤
州。及劉旻戰于高原。敗之。追及于高平。又敗之。

吳江北諸州

顯德三年南征五年克淮南十四州以江爲界

揚楚

泗淦和光黃舒

蕪廬壽海泰濠揚泰淦和壽濠泗楚光海等州已

爲周有李景獻廬舒漸黃

桂廣

南漢據四十七州桂廣其都會也世宗平江北劉晟遣使脩貢爲楚人所隔

岷蜀

顯德二年伐蜀克秦成階鳳

弁

石晉獻十六州于契丹

瀛漢幽涿檀薊順蔚顯德朔雲應新媯儒武寰

六年北伐取瀛莫定三關

益津關爲霸州瓦橋關爲雍州淤口關上置寨

述律謂周所取皆漢故地不足顧十四州之地皆

可取矣世宗遇疾功志不就自太原以北十州

通鑑

十二州有隆蔚

入于劉旻

忻代嵐石憲麟并汾沁遠

顯德元年攻太原

不克

蘇文忠公曰古之君子如伊尹太公管仲樂毅之流其王霸之畧皆定於畎畝中非仕而後學者也淮陰侯見高皇帝於漢中論劉項短長畫取三秦

如指諸掌及佐帝定天下漢中之言無一不酬者

通鑑地理通釋卷七
諸葛孔明臥草廬中與先主策曹操孫權規取劉
璋因蜀之資以爭天下終身不易其言此豈口傳
耳受嘗試爲之而僥倖其或成者哉 張宣公曰
蕭何爲相之初首薦韓信爲大將而三秦之計遂
定此得爲相用人之體

通鑑地理通釋卷八

浚儀王應麟伯厚甫

七國形勢攷上

地利不如人和在德不在險六國有地險而不知仁義卒并于秦秦又不監而漢滅之作七國形勢攷

秦

蘇秦說秦惠王曰秦四塞之國被山帶渭東有關河

戰國策云西有巴蜀

西有漢中南有巴蜀北有代馬此天府也

漢中之利北有胡貉代馬之用南有巫山黔中之限東有叢函之固地勢形便此所謂天府天下之雄國也

范雎對秦昭王曰大王之國四塞以爲固北有

甘泉谷口南帶涇渭右隴蜀左關阪此王者之地也

春申君說秦昭王曰大國之地徧天下有其二垂

此從生民以來萬乘之地未嘗有也王又舉甲而攻

魏杜大梁之門舉河內拔燕酸棗虛桃入邢魏之兵

雲翔而不敢秣王之功亦多矣王休甲息衆二年而

後復之又并蒲衍首垣以臨仁平丘黃濟陽嬰城而

魏氏服王又割濮磨之北注齊秦之要絕楚趙之脊

天下五合六聚而不敢救王之威亦單矣 荀子疆

國篇曰古者百王之一天下臣諸侯也未有過封內

千里者也今秦南乃有沙羨與俱是乃江南也北與

胡貉爲隣西有巴戎東在楚者乃界於齊在韓者於常山乃有臨慮在魏者乃據圍津卽去大梁百有三十里耳其在趙者剡然有苓而據松栢之塞負西海而固常山是地徧天下也威動海內彊殆中國然而憂患不可勝校也認認常恐天下之一合而軋已也此所謂廣大乎舜禹也 應侯問曰入秦何見荀卿子曰其國塞險形執便山林川谷美天材之利多是形勝也 太史公六國表曰秦始小國僻遠諸夏賓之比於戎翟至獻公之後常雄諸侯論秦之德義不如魯衛之暴戾者量秦之兵不如三晉之彊也然卒

并天下非必險固便形執利也蓋若天所助焉或曰
東方物所始生西方物之成熟夫作事者必於東
南收功實者常於西北故禹興於西羌湯起于亳周
之王也以豐鎬伐殷秦之帝用雍州興漢之興自蜀
漢韓非初見秦曰天下陰燕陽魏連荆固齊收韓
而成從將西面以與秦強爲難今秦地折長補短方
數千里名師數十百萬秦之號令賞罰地形利害天
下莫若也以此與天下天下不足兼而有也田肯
曰秦形勝之國也帶河阻山縣隔千里持戟百萬秦
得百二焉地執便利其以下兵於諸侯譬猶居高屋

之上建瓴水也

巴蜀

甘茂曰張儀西并巴蜀之地北取西河之外南取

上庸

索隱張儀伐蜀蜀王開戰不勝爲儀所滅

張儀說楚王曰秦西有

巴蜀大船積粟起於汶山浮江已下至楚三千餘

里舫船載卒一舫載五十人與三月之食下水而

浮一日行三百餘里里數雖多然而不費牛馬之

力不至十日而拒扞關扞關驚則從竟陵以東盡

城守矣黔中巫郡非王之有

蜀見於牧誓地與秦接通典云所謂巴賓

彭濮之人秦惠王使司馬錯伐蜀有其地利州益昌縣古劔閣道秦伐蜀所由謂之石牛道陳子昂

云昔蜀與中國不通秦以金牛美女啖蜀侯侯使
五丁力士梭褒斜鑿通谷迎秦之饋秦隨以兵而
地入中州元和郡縣志武王伐殷巴人助焉後封
爲巴子其地東至魚復西夔道接漢中南極牂柯
是其界也戰國策秦伐蜀十月取之蜀旣屬秦益
強秦紀惠文九年滅蜀華陽國志云蜀之先肇於
人皇之際黃帝爲子昌意娶蜀山氏後子孫因封
焉秦滅蜀因滅巴通典巴國今巴壁蓬集合
忠萬是其地蘇氏曰秦之憂在六國也蜀
最僻最小最先取楚最强最後取

漢中

楚地按秦紀孝公元年河山以東疆國六與齊威
楚宣魏惠燕悼韓哀趙成侯並淮泗之間小國十
餘所謂泗上十楚魏與秦接界魏築長城自鄭濱
洛以北有上郡楚自漢中南有巴黔卜周室徵諸

佚力政爭相并秦僻在雍州不與中國諸侯之會

盟夷翟遇之

正義云楚白梁州漢中郡南有巴渝過江南有黔中巫郡

惠文十

三年庶長章擊楚於丹陽虜其將屈匄又攻楚漢中取地六百里置漢中郡齊湣王遺楚王書曰王欺於張儀亡地漢中李斯曰惠王用張儀之計南取漢中

蔡澤謂范雎相秦後漢注故城在梁州道千里通於蜀漢

後漢注故城在梁州

南鄭縣東北

殺函

呂氏春秋九塞殺其一也左傳晉敗秦師于殺

殺

二陵杜預曰殺在澠池縣西此道在二殺之間南谷中谷深委曲兩山相嶽故可以辟風雨古道由

此魏武帝西討巴漢惡其險而更開北山高道

公羊傳云穀之嶽巖穀梁

傳云穀巖塗之下春秋正義云俗呼爲土穀石穀

其阨道在兩穀之間

水經注穀水又東逕十穀北所謂三嶠也

甘茂自

穀塞及至鬼谷

後語作槐谷注槐里之谷今京兆始平之地

其地形險

易皆明知之郡縣志三嶠山

隋大業元年廢二嶠道

又名嶽

嶽山在河南府永寧縣北二十八里

自東嶽至西嶽三十五里

東嶽長坂數里峻阜絕澗車不得方軌西嶽石坂

十二里漢馮異破赤眉於嶽底魏龐惠破張白騎

於兩穀間索隱鬼谷在關內雲陽郡國志弘農

故秦函谷關黽池有二嶽寰宇記後割隸陝州

硤石縣在縣東北四十六里硤石省爲石秦函

隸鎮八陝縣硤石本嶽縣後魏置唐改秦函

谷關在陝州靈寶縣西南十二里

函谷故城在縣南十里秦函谷

關城漢弘農縣隋桃林縣也西征記曰關城路在
谷中深險如函故以爲名其中劣通東西十五里
絕岸壁立崖上栢林蔭谷中殆不見曰關去長安
四百里日入則閉雞鳴則開秦法也東自嶠山西
至潼津通名函谷號曰天險所謂秦得百二也桃
林塞自縣以西至潼關皆是也春秋時晉侯使詹
嘉處瑕守桃林之塞漢書注顏氏曰今桃林縣南
有洪溜澗水卽古所謂函谷也其水北流入河夾
河之岸尚有舊關餘跡焉武帝元鼎三年徙函谷
關於新安縣屬河南府張良曰關中
左穀函西都賦左據函谷二嶠之阻范雎謂左
關阪卽穀函也淮南墜形訓賈生過秦曰秦孝公
據穀函之固春秋時穀桃林
晉地非秦有也

四塞

關河

張儀曰秦地被山帶河四塞以爲固

劉伯莊曰河謂龍門西河

山謂華山四面有山關之固故曰四塞

高誘注徐廣曰東函谷南武

關西散關北蕭關

東有函谷蒲津龍門合河等關南山及

武關峽關西有大隴山及隴山關大震烏蘭等關

北有黃河南塞是四塞

正義

按秦地西有隴關東

有函谷臨晉南有峽武關北有蕭居庸天井關以

臨胡庭故爲關中

地理志云秦地於禹貢跨雍梁二州詩風兼秦幽兩國穆公稱

伯以河爲竟惠王得上郡西河杜蕞論都賦曰西

被隴蜀南通漢中北據谷口東阻嶽巖關函守峽

山東道窮置列汧隴雍偃西戎拒守

褒斜嶺南不通杜口絕津朔方無從

胡貉代馬

胡樓煩休胡之類

國策注

貉在東北方三韓之屬

漢書

鼯錯曰秦北攻胡貉代郡有胡馬索隱一云索郡馬邑張儀說

王曰秦馬之良探前蹶後蹄間三尋騰者不可勝

數蘇厲說趙王曰代馬胡駒張良曰關中北有胡苑之利索隱苑馬

牧也馬生於胡代郡屬趙始皇二十五年虜代王嘉後周

朔州索隱又謂代郡有馬城縣然惠王之時代未屬秦當攷左傳冀之北土馬之所生注謂燕代

甘泉谷口

郡縣志甘泉山一名磨石嶺在京兆府雲陽縣雲陽

今屬擢州西北九十里周廻六十里雲陽宮即秦之林光宮漢之甘泉宮

在縣西北八十里甘泉山上關中記甘泉宮在甘泉山上宮北有連山西都賦其陰則冠以九變陪

以甘泉乃有靈宮起乎其中西京郊祀志寒門者賦其遠則有九變甘泉湖陰返寒

谷口也

顏氏曰谷口仲山之北寒涼改謂寒門地理

志左馮翊谷口縣九巖山在西

溝洫志白公引涇水首起谷口顏氏

日卽今雲陽縣治谷郡縣志京兆醴泉縣本谷口

縣在九巖山東仲山西當涇水出山之處故謂之

谷口史記正義九巖中山西謂之谷口卽古寒門

在醴泉縣東北四十里西北去甘泉山八十里燕

鞠武曰秦地徧天下北有甘泉各口之固南有涇

渭之沃擅巴漢之饒右隴蜀之山左關殺之險通

與谷口縣故城在醴泉縣北後漢及晉爲池陽隋

改醴泉史記大事記文帝後元二年置谷口邑

隴

通典秦州

秦隴西漢天水漢屬天水有大坂曰

隴坻亦曰隴山

或謂之三秦記曰其坂九迴上者

有大隴山亦曰隴首山西都賦

西京賦右有隴坻之隘隔閼

戎隴州汧源縣隴山一曰隴坻漢隴關今名大震關在縣西

隴所以限東西隴東則為漢三輔隴西則為漢天水隴西諸郡唐隴右之地唐六典

注隴坻在秦州清水縣

涇渭

地理志開頭山開苦見反又音牽括地志作兼在通典亦曰開屯山一名控峒

安定涇陽縣西原州平高縣禹貢涇水所出東南至陽陵

京兆入渭雍州川括地志涇水出原州百泉縣西南涇谷鳥鼠同穴山在

隴西首陽縣西南渭州渭原縣渭水所出東至船司空

華州入河雍州東方朔曰漢都涇渭之南所謂天

下陸海之地秦所以虜西戎兼山東者也法言曰秦東溝

大河南阻高山西采雍梁
北鹵涇根便則申甌蝓蟠

燕酸棗虛桃邢

秦始皇紀五年將軍鶩攻魏定酸棗燕虛長平雍

丘山陽城皆拔之取二十城初置東郡地理志東

郡南燕縣

今滑州胙城縣故南燕國

陳留郡酸棗縣

今開封府縣唐屬滑

州正義云虛卽桃墟在濮州雷澤縣東十三里

蘇代

曰夬宿晉之口魏無虛頓丘

徐廣曰燕縣有桃城

括地志故桃城在滑州胙城縣東三十里漢劉襄所封鮑氏曰任城有桃棗平臯有邢

丘正義邢丘在懷州武德縣東南二十里武德縣今自入河內縣平臯縣故城在西

蒲衍

左傳注蒲在陳留長垣縣西南

桓二年晉命于蒲徐廣曰長垣有蒲

鄉與地廣記古蒲邑在開封府長垣縣

子路爲之宰唐屬滑

州今按魏有蒲坂

今河東縣魏世家秦拔我蒲坂是也

有蒲陽

故城在隰州隰川縣北四十五里在蒲水之北晉重耳所居邑魏世家秦降我蒲陽是也

此

當爲長垣之蒲索隱云衍在河南與卷近

蘇秦曰北有卷

衍正義云在鄭州秦紀始皇九年攻衍氏

曹參世家柱天

侯反於衍氏進破衍氏正義謂魏邑在鄭州

首垣

戰國策韓侈謂秦王曰進齊宋之兵至首垣遠薄梁郭趙世家公子刻攻魏首垣水經注竹書紀年

梁惠成王十三年鄭釐侯致平丘戶牖首垣諸邑

又云長垣縣故首垣秦更名長垣漢屬陳留今屬開封府今按

正義以首垣為二邑首即牛首故城在汴州陳留縣西南四十一里垣即長垣

故城在匡城縣東北二十七里廣記開封咸平縣

有牛首城水經注沙水又東南逕牛首亭東左傳桓

十四年宋伐鄭東郊取牛首襄十年晉伐鄭師于

牛首鮑氏亦以首垣為二河東蒲坂有首山所謂

雷首垣縣今愚謂魏有王垣垣縣有王屋山故曰

絳州垣垣起攻垣城秦始皇九年攻魏垣蒲陽有

垣是也正義故垣城在絳州垣縣西北二十里

垣魏世家秦拔我新垣曲陽之城是也正義此首

垣戰國策謂遠薄梁郭當從水經注為陳留之長

平丘

正義仁一本作任今任城縣屬濟州地理志屬東平地理

志平丘縣屬陳留春秋昭十三年盟平丘注云在

陳留長垣縣西南郡國志長垣有平丘城

黃濟陽

戰國策云外黃地理志縣屬陳留通典故城在汴州陳留縣東北

魏河北河南皆有黃城蘇秦說齊曰趙襲魏之河

北燒棘溝墜黃城括地志故黃城在魏州冠氏縣南十里此河北之黃城也春申

君傳正義故黃城在曹州考城縣東二十四里此河南之黃城也考城今屬共州蘇代曰

外黃濟陽地理志陳留外黃縣注有黃蓐左傳惠公敗宋師于黃注云外黃縣東有黃城

水經注河水舊在自馬縣南決通濮濟黃
溝廣記外黃故城在開封府雍丘縣東
正義濟

陽故城在曹州宛句縣西南三十五里
今開封府

陽鎮漢濟陽
縣屬陳留

濮磨
新序云
濮磨

徐廣云濮水北於鉅野入濟
末初山川記云源出

陽縣故城在開德府濮陽縣東左傳哀二十七年
有救鄭及濮注云濮水自陳留酸棗傍河東北經

濟陰至高
索隱磨地名近濮
史記功臣表磨侯漢

平入濟
有歷縣括地志漢歷縣城在滄州蓆縣西南四十
六里蓆縣今屬冀州樂毅書磨室一作曆按戰國

策黃歇說秦曰割濮磨之
北屬之燕則地在河北

沙美

地理志縣屬江夏

美音夷輿地廣記鄂州江夏縣漢沙美地秦屬南郡劉表使黃

祖守沙美爲孫權所破楚世家熊渠伐庸揚粵至

于鄂注九州記曰鄂今武昌春申君傳秦使白起

攻楚取巫黔中之郡拔鄢郢東至竟陵復州秦紀

昭王三十九年白起攻楚取郢爲南郡李氏曰漢

江夏之鄂縣吳更名武昌今武昌縣是也今鄂

州乃漢沙美水經注江中有沙陽洲汝陽縣治也

縣本江夏之沙美首改沙

陽故城今蒲圻縣一里

江南

戰國策城渾曰今邊邑之所恃者非江南泗上也

秦紀

昭王三十年蜀守若伐取巫郡及江南爲黔中郡

三十一年楚人反我江南始皇二十五年王翦定

荆江南地楚世家襄王收東地兵復西取秦所拔

我江旁十五邑以爲郡距秦楚辭章句襄王遷屈

康熙二十六年刊

通鑑卷六

十一

南豫章長沙是南楚也

餘廣曰江南者丹陽也秦鄣郡

巴戎

巴在西南戎在西

楊倞注

秦紀武公伐邦冀戎初縣

之繆公用由余謀伐戎王益國十二開地千里厲

共公伐大荔取其王成孝公西斬戎之獮王惠王

十一年縣義渠

匈奴傳秦穆公得由余西戎八國服於秦自隴以西有縣諸緄戎翟

獮之戎岐梁山涇濼之比有義渠大荔烏氏胸衍之戎

趙良曰五殺大夫相

秦巴人致貢八戎來服

常山

地理志常山郡

今真定府

恒山在西

避文帝諱

通典常山

在定州恒陽縣

今中山府曲陽縣

北一百四十里

楊倞注本趙山

秦今有之

張儀說楚曰秦地半天下席卷常山之險

必折天下之脊索隱云常山於天下在北若人背

脊

臨慮

地理志隆慮縣屬河內今相州林慮縣

後漢避漢帝名改

圍津

史記曹參世家至河內下修武渡圍津徐廣曰東

郡白馬有圍津

索隱按水經注白馬津有圍鄉韋城圍與韋同古今字變正義括地志云

黎陽津一名白馬津在滑州白馬縣北二十里帝

王世紀云白馬縣南有韋城故家韋國郡國志云

白馬縣有韋城按韋津以韋爲名或變改曰黎陽
及白馬之名圍與韋古字通滑州又有韋城縣漢
白馬縣去大梁百有二十里魏都也按九域志滑
州至東京一百二十里

苓

楊倬注苓地名未詳所在或曰苓與靈同漢書地

理志常山郡有靈壽縣今屬真定松栢之塞戴延之西

征記函蓋趙樹松栢與秦爲界今秦據有之按地

谷是也清河郡有靈縣輿地廣記
靈縣省入博州博平縣

西海

地理志金城郡臨羌縣西北至塞外有西王母石
室僊海闕駟云西有卑和羌卽獻王莽地爲西海

考云及息之地位至臨洮羌

通典西海郡

里司馬錯曰利盡西海正義云西方羌戎索隱云謂蜀川

西羌

禹生自西羌皇甫謐曰孟子稱禹生石紐西夷人

也今孟子無此語活地志石紐山在茂州汶川縣本丹國西

七十三里蜀王本紀禹本汶山郡廣柔縣秦文曰

禹生石紐今之汶山郡是也輿地廣記綿州石泉縣

屬茂州有石紐山禹之所生也

趙

蘇秦說趙肅侯曰當今之時山東之建國莫彊於趙趙

萬曆丁亥年

監生趙雲蒸刊

地方二千餘里西有常山南有河漳東有清河北有燕國燕固弱國不足畏也秦之所害於天下者莫如趙然而秦不敢舉兵伐趙者何也畏韓魏之議其後也然則韓魏趙之南蔽也竊以天下之地圖案之諸侯之地五倍於秦料度諸侯之卒十倍於秦六國爲一并力西鄉而攻秦秦必破矣竊爲大王計莫如一韓魏齊楚燕趙以從親以畔秦令天下之將相會於洹水之上通質剗白馬而盟要約曰秦攻楚齊魏各出銳師以佐之韓絕其糧道趙涉河漳燕守常山之北秦攻韓魏則楚絕其後齊出銳師而佐之趙涉河漳燕守

雲中秦攻齊則楚絕其後韓守成臯魏塞午道趙涉
河博關燕出銳師以佐之秦攻燕則趙守常山楚軍
武關齊涉勃海韓魏皆出銳師以佐之秦攻趙則韓
軍宜陽楚軍武關魏軍河外齊涉清河燕出銳師以
佐之諸侯有不如約者以五國之兵共伐之六國從
親以賓秦則秦甲必不敢出於函谷以害山東矣

武靈王北畧中山之地至於房子遂之代北至無窮
西至河登黃華之上召樓緩謀曰我先王因世之變
以長南藩之地屬阻漳滏之險立長城又取藺郭狼
敗林人於荏而功未遂今中山在我腹心北有燕東

有胡西有林胡樓煩秦韓之邊而無彊兵之救 王
謂公子成曰吾國東有河薄洛之水與齊中山同之
無舟楫之用自常山以至代上黨東有燕東胡之境
而西有樓煩秦韓之邊今無騎射之備故寡人無舟
楫之用夾水居之民將何以守河薄洛之水變服騎
射以備燕三胡秦韓之邊且昔者簡主不塞晉陽以
及上黨而襄主并戎取代以攘諸胡此愚智所明也
先時中山負齊之彊兵侵暴吾地係累吾民引水圍
鄙微社稷之神靈則鄙幾於不守也先王醜之而怨
未能報也今騎射之備近可以便上黨之形而遠可

以報中山之怨 韓非子應侯謂秦王曰弛上黨以
臨東陽則邯鄲口中虱也 蘇厲爲齊遺趙王書曰
燕盡齊之北地去沙丘鉅鹿歛三百里韓之上黨去
邯鄲百里燕秦謀王之河山間三百里而通矣秦之
上郡近扞關至於榆中者千五百里秦以三郡攻王
之上黨羊腸之西句注之南非王有已踰句注斬常
山而守之三百里而通於燕代馬胡犬不東下昆山
之玉不出此三寶者亦非王有已 戰國策說張相
國曰趙萬乘之強國也前漳滏右常山左河間北有
代帶甲百萬嘗抑彊秦四十餘年而秦不得所欲

樂間對燕王曰趙四戰之國也其民習兵

正義東隣燕齊西邊

秦樓頌南界韓魏比迫匈奴

韓非初見秦曰趙氏中央之國也

雜民所居也

趙居邯鄲燕之南齊之西魏之北韓之東故曰中央兼四國人故曰雜

常山

正義在鎮州西定州恒陽縣北百四里地道記云在上

曲陽縣即恒陽今曲陽縣西北百四十里北行四百五十

里得常山吸號飛狐口北則代郡也世家毋邱曰

從常山上臨代代可取也括地志上曲陽故城在定州曲陽縣西五里

河漳

正義在潞州地理志濁漳出上黨長子縣鹿谷山

今潞州長子縣發鳩山東至鄴入清漳清漳出沾縣大羅谷今平定軍樂平縣少山

東北入蘇秦曰秦甲渡河踰漳據番吾則兵必戰

於邯鄲之下矣括地志蒲吾故城在鎮州房山縣東二十里言秦兵渡河歷南陽入

羊腸趙世家惠文王二十一年徙漳水武平西二

十六年徙漳水武平南括地志武平亭在瀛州文安縣北七十二里張儀曰秦趙戰

於河漳之上再戰而趙再勝漳河一作清洺州有清漳縣山海經少山清

漳水出焉郭璞曰至武安南入濁漳

清河

今貝州漢清河郡張儀說趙曰秦告齊使興師渡

清河軍於邯鄲之東水經清水東入于河謂之清口即淇河口也淇水東北過

萬曆丁亥年

通鑑卷八

七

監生趙雲蒸刊

廣宗縣東爲清河地理志
清河水土出魏鄆內黃縣南

洹水

正義出相州林慮縣西北林慮山中

地理志注隆
慮山在縣北

洹水在相州北四里項羽與章邯盟洹水南殷虛上

正義國都

城記云鄴縣城西南四十里有洹水輿地廣記相州臨漳縣本鄴縣

後周分東北界置洹水縣

省入大名府成安

山海經神

囷之山黃水出焉東流注于洹隋圖經俗謂安陽

河卽聲伯夢涉之所

雲中

正義故城在勝州榆林縣東北四十七里漢匈奴

傳趙武靈王北破林胡樓煩自代並陰山下至高

關爲塞置雲中鴈門代郡

雲中郡今勝州單于府之地

趙世家

武靈王二十六年復攻中山攘地北至燕代西至

雲中九原二十四年西北畧胡地徼從雲中九原

直南襲秦

水經注虞氏記云趙侯自五原河曲築長城東至陰山又於河西造大城一箱

不就乃改卜陰山河曲晝見羣鶴遊于雲中光在其下卽其處築城今雲中城是也唐志烏咄谷二

百七里至古雲中城

午道

張儀說趙曰秦一軍塞午道索隱曰當在趙之東

齊之西鄭玄云一縱一橫爲午謂交道也

鮑氏曰長安有

子午谷北山是子南山是午爲子午道則午道秦南道也塞之使不得通

博關

正義涉貝州南河至博陵今博州博平縣漢屬東

郡張儀說齊曰悉趙兵渡清河指博關臨菑卽墨

非王之有也

輿地廣記博州戰國屬齊趙衛三國之交徐廣曰齊威王六年晉伐齊至

博陵

勃海

正義齊從滄州渡河至瀛州溝洫志河出崑侖經

中國注渤海漢置渤海郡後魏置滄州春秋釋例

云海自遠西北平漁陽章武渤海樂陵樂安北海

東萊城陽東海臨沂陵吳郡會稽十四郡之東界以東

河外

索隱謂陝及曲沃等處正義謂同華州張儀說齊

曰梁效河外

索隱云河之南邑若曲沃平周等

說趙曰秦驅韓梁

軍於河外

正義謂鄭滑州北臨河

中山

春秋時爲鮮虞定四年傳中山不服中山之名乃

始見于此

大事記威烈王十二年中山武公魏文初立索隱曰中山古鮮虞國姬姓

魏文

侯使樂羊伐取之及武侯之世趙世家書與中山

戰于房子是時蓋已復國其後與諸國並稱王其

勢又強矣廣記中山府安喜縣古中山國新樂縣古鮮虞

國李公緒趙記云鮮虞姬姓春秋之末曰中山

房子

縣屬趙州唐改為臨城郡縣志故城在高邑縣西南十五里穆天子傳曰至

房子登贊皇山漢屬常山郡

代

北狄之別也世家曰翟犬者代之先也匈奴傳趙

襄子踰句注而破并代以臨胡貉正義代郡城北

狄代國秦漢代縣城也在蔚州羌胡縣當作飛狐北百

五十里輿地廣記蔚州本代國在常山之北趙有趙襄子定代地及武靈王置代郡

代句注之北與戎界邊

無窮

戰國策武靈王破原陽以爲騎邑牛贊進諫王曰昔者先君襄王與代交地城境封之名曰無窮之門所以昭後而期遠也

黃華

正義蓋西河側之山名

水經注隆慮縣有黃水出于神囿山黃華谷比崖相

州林慮縣本漢隆慮隋圖經黃花水出隆慮縣西北崖上高十七里去地七里懸水東南注壑崖下其谷號黃花谷劉劭

趙都賦置酒乎黃華之館

漳滏

通典相州滏陽縣有漳河滏水

今屬磁州

郡國志鄴有

滏水

劉劭趙都賦清漳發源濁滏日越湯泉涓沸洪波漂厲戰國策吳起曰殷紂之國左孟門

而右漳釜文選注滏水熱若由於釜因名焉郡縣

志釜水出磁州滏陽縣西北四十五里鼓山亦名

滏山泉源奮湧若釜水之湯湯故以滏名之八陞

第四曰滏口陞山嶺高深實為險阨淮南陸形訓

清漳出揭戾濁漳出發包釜出景注二漳台流經

魏郡入清河景山在邯鄲西南釜水所出山海

經神困之山滏水出焉東流注于歐水注滏水今

出臨水縣西釜口山經鄴西北至列人縣入于漳

其水熱魏都賦北臨漳滏則冬夏異治水經注出

石鼓山南巖下冬溫夏冷東流注于漳又謂之合

長城

世家肅侯

十七年

築長城括地志武靈王長城在朔

州善陽縣北按此所謂立長城者在武靈王之前

藺郭狼

地理志西河郡有藺皋狼二縣戰國策知伯之趙

請蔡皋狼之地襄子弗與鮑氏云蔡當作藺世家成侯三年魏敗我藺

十四年秦攻我藺藺侯二十二年秦取我藺藺石離石

義云在石州郭狼疑是皋狼孟增幸於周成王是

趙之函光

林人 林胡 樓煩

正義林人即林胡也匈奴傳晉北有林胡樓煩之

戎如淳曰林胡即澹林為李牧所滅括地志朔州地焉唐曰李牧破東胡

滅濬林李下後漢云滅濬濬破地理志樓煩縣屬鴈

門應劭曰故樓煩胡也故城在代州崞音郭縣東北趙世家主

父行新地出代西遇樓煩王於西河而致其兵

胡

正義趙東有瀛州之東北營州之境即東胡烏丸

之地魏云後為甲鮮在匈奴傳燕北有東胡周書

東胡其後燕將秦開襲破之括地志漢初冒頓

因以山海經東胡在大澤宋

西遼

正義云林胡樓煩即嵐勝之北也嵐勝以南石州

七國形勢

離石蘭等七國時趙邑邊也秦隔河也晉洛路澤等州皆七國時韓地爲並趙西境也

河薄洛之水

徐廣云安平經縣西有漳水津名薄洛津

水經注漳水又

歷經縣故城西水有故津謂之薄洛津

按漢信

都國安帝更名安平通典具州經城縣漢經縣也

本朝省入大 表紹在薄洛津

上黨

地理志本韓之別郡也遠韓近趙

後卒

降趙

韓非初見秦曰代四十六縣上黨十七縣廣

地

記云秦上黨郡今澤路遼州平定威勝軍之

三胡

索隱云林胡樓煩東胡

晉陽

漢太原郡所治龍山在西北晉水所出北齊分晉

陽置龍山縣隋開皇十年改龍山曰晉陽而以古

晉陽縣為太原縣隋唐地理志所謂晉陽縣乃古龍山縣所謂太原縣乃古晉陽

縣自北漢劉氏以前郡治太原晉陽三縣太平興國四年

王師下北漢徙州治陽曲縣本漢狼孟縣地而空其故城一鄉縣志太原府城中又有三城其一曰

大明城即古晉陽城也左傳言董安于所築晉陽故宮一名大明宮在州城內

郡

郡縣志漢以爲縣屬常山武靈王三年城鄆光武即位於

鄆南千秋亭五成陌因改曰高邑高齊移高邑於漢房子縣東北

今高邑縣是也隋於漢鄆城南二十八里改置輿地

廣記趙州高邑縣左傳哀四年齊國夏伐晉取鄆

即此鄆音呼谷反趙世家武靈王二十一年攻中山王軍取鄆石邑封龍東垣中山獻四邑和

孫氏曰騎兵始於戰國之初武靈王胡服騎射全用匈奴之俗而古法於是大變春秋正義曰占者

馬以駕車六國之時始有單騎曲禮云前有車騎者漢世書耳左傳左師展將以公乘馬而歸此騎

馬之漸戰國策王破原陽救爲騎邑呂氏曰胡服騎射蓋始教一邑然後徧行之於境內漢地理志

雲中郡原陽縣

東陽

萬曆丁亥年

左傳趙勝帥東陽之師以追齊杜氏注東陽晉之

山東魏郡廣平以北戰國策國子曰兼魏之河南

絕趙之東陽則趙魏亦危矣地理志清河郡有東陽縣與地廣記恩州

歷亭縣漳南鎮本漢東陽縣隋改漳南唐屬貝州

沙丘 鉅鹿

殷紀紂益廣沙丘苑臺括地志沙丘臺在邢州平

鄉東北二十里地理志趙中山地薄人衆猶有沙

丘紂滔亂餘民正義沙丘邢州也鉅鹿冀州也

志鉅鹿邢州平鄉縣城齊北界貝州也言破齊滅韓之後燕

之南界秦之北界相去減三百里趙在中間也

氏春秋九藪趙之鉅鹿

注今鉅鹿縣有禹貢大陸澤

地理志鉅鹿縣大陸澤在北紂所作沙丘臺在東北十

上郡

正義鄜延等州

通典今綏州銀麟

括地志故城在

綏州上縣

通典龍泉縣

東南五十里

秦惠文十年魏納上郡十五縣廣記

云上郡今麟延安丹坊鄜銀夏綏德保安之地

扞關

呂氏云扞者扞敵之扞非關名也趙之扞關陸道

之關也楚之扞關水道之關也

楚肅王四年爲扞關以距蜀

榆中

萬曆丁亥年

直隸長安

卷之二

直隸通志卷之二

武靈王二十年西略胡地至榆中戰國策王胡服

率騎入胡出於遺遺之門踰九限之固絕五徑之險至

榆中辟地千里括地志榆州勝州所治榆林縣正義勝州北河北岸地理志金城郡有榆中縣通

典縣故城在蘭州五泉縣東伍被傳廣長榆開朔

方注長榆在朔方即衛青傳所云榆谿舊塞或謂

之榆中秦始皇紀西北斥逐匈奴自榆中並河以

東屬之陰山以為三十四縣項羽傳云蒙恬為秦

將北逐戎人開榆中地數千里注在上郡即今之

榆林廣記榆林縣南有榆溪塞即蒙恬侵胡植榆

為塞是也東有榆林關隋開皇三年置衛青傳按

榆谿舊塞索隱水經云上郡北有諸次山諸次水
出焉東經榆林塞為榆谷正義今榆林縣東
四十里東北臨河故乘曰秦北備榆中之關

邯鄲

趙世家敬侯元年始都邯鄲地理志自中牟徙此

七國形勢

邯鄲北通燕涿南有鄭衛漳河之間一都會也

張晏

曰邯鄲山在東城下縣屬趙國今屬魏州有叢臺趙王故臺也戰國策馬忌曰武安君乘七勝之感與馬服之子戰於長平之下因以餘兵圍邯鄲趙以亡敗之餘衆而秦罷於邯鄲之下趙守而不可

技攻難而守者易也

羊腸

魏世家如耳曰昔者魏伐趙斷羊腸拔閼與約斬趙趙分而爲二所以不亡者魏爲從主也蔡澤謂應侯曰君相秦坐制諸侯決羊腸之險塞太行之

道正義云太行山阪道名南屬懷州北屬澤州呂氏

春秋九山之一也盤紆如羊腸

秦上黨郡今澤潞儀沁四州之地兼

州之半韓總有之至七國時趙得儀沁二州之
地韓猶有潞州及澤州之半半屬趙魏沁州在羊
賜阪之西儀并代三州在句注山之南秦以三郡
攻趙之澤潞則句注之南趙無地淮南子注云說
苑桀之居伊闕在其南羊腸在其北今太原晉陽
西北九十里通河西上郡關曰羊腸坂是通典太
原府陽曲縣有乾燭谷即羊腸坂後漢鄧訓傳注
石登縈委若羊腸焉今嵐州界羊腸坂對曰案漢
帝登太行山問崔曠曰何處有羊腸坂對曰案漢
書地理志上黨潞州壺關縣有羊腸坂對曰案漢
又荅曰案皇甫上安撰地書云太原北九十里有
羊腸坂帝曰是也戰國策說秦王曰西攻修武踰
羊腸降代上黨郡縣志羊腸山在
太原府交城縣東南五十三里

句注

正義句注山

音章句之

在代州鴈門縣西北四十

里

郡縣志在朔州鄯陽縣東八十里代州鴈門縣西北二十里一名西陁山

呂氏春秋

九塞之一也地理志在鴈門陰館縣

劉劭趙都賦其近則有天

井句注飛狐太行嶺錯磔略屬阜連岡劉敬傳漢

兵已踰句注蘇厲曰齊反涇分先俞於趙正義涇

音邢分當作山括地志句注山一名西陁山俞音

戎爾雅云西陁鴈門是也郭氏注云西陁即鴈門

山按西先聲相近蓋陁山西陁二山並在代州鴈

門縣皆趙地趙世家襄子北登夏屋括地志夏屋

山一名賈屋山在代州鴈門縣東北三十五里與

句注山相接蓋北方之險亦天下之阻鴈門縣本

漢廣武地理志賈屋山在太原廣武縣北匈奴傳

趙襄子踰句注而破并代漢文紀蘇意為將軍屯

句注郡國志注爾雅八陵西陁鴈門是也張儀說

燕曰昔趙襄子欲并代與代王遇於句注之塞郡

縣志晉咸寧元年句注碑曰蓋北方之險有盧龍

飛狐句注爲之首天下之阻所以分別外內也

河間

瀛州地理志注在兩河之間

戰國策趙王曰秦下甲攻趙趙賂之以河

閩十
二縣

通鑑地理通釋卷八